



Republika e Kosovës
Republika Kosova- Kosova Cumhuriyeti



Komuna e Prizrenit
Opština Prizren – Prizren Belediyesi

KUVENDI I KOMUNËS SË PRIZRENIT

Komiteti për Politikë dhe Financa

Nr. 001/060 – 86709

Më: 16 korrik 2024

Nga mbledhja e Komitetit për Politikë dhe Financa, e mbajtur më 16 korrik 2024, në Sallën e mbledhjeve të KPF-së, në “Shtëpinë e Bardhë”, me fillim në ora 10:15 minuta.

Pjesëmarrës nga KPF-ja, ishin: Antigona Bytyqi, Kryesuese e KPF-së, Karanfil Haxhillari, Dafina Alishani, Adem Shabanaj, Naxhije Memaj dhe Florent Ukaj, Egzona Hoxhaj dhe Levent Buş dhe Bajram Kastrati, të gjithë anëtarë të Komitetit për Politikë dhe Financa.

Pjesëmarrës tjerë ishin: Kujtim Gashi, Nënkryetar i Komunës, Luljeta Veselaj Gutaj nga DASH, Ramadan Tarashaj nga DTZHE, Çelë Lamaj dhe Muhamet Bajrami nga DSHP, Gjafer Ponik nga DEF, Gursel Skenderi nga Sektori i pronës, Mybexhele Zhuri nga NJBGJDNJ, Veron Tara nga KTKQHP, Fadil Berisha dhe Besar Grezhda nga Hidroregjioni, si dhe OJQ-të e Mediat.

Antigona Bytyqi: Përshëndetje i nderuar Nënkryetar, të nderuar anëtarë të Komitetit për Politikë dhe Financa, të nderuar drejtor, të nderuar zyrtar të drejtorive, përfaqësues të mediave, përshëndetje për të gjithë ju të pranishëm. Për sot, siç jeni të njoftuar për sot kemi thirr mbledhjen e radhës të Komitetit për Politikë dhe Financa. Prezent jemi shtatë anëtarë të Komitetit për Politikë dhe Financa, kështu që mund të fillojmë me punimet e kësaj mbledhjeje. Për rend dite kemi këto pika:

R E N D D I T E

1. Shqyrtimi dhe miratimi i procesverbalit të datës 26 qershor 2024;
2. Shqyrtimi dhe miratimi i Rendit të Ditës;
3. Shqyrtimi dhe miratimi i propozim-vendimit paraprak mbi dhënien e pronës komunale në shfrytëzim afatshkurtër organizatave të shoqërisë civile;
4. Shqyrtimi dhe miratimi i propozim-vendimit për formimin e Komisionit Vlerësues;
5. Shqyrtimi dhe miratimi i strategjisë për zhvillim ekonomik lokal për komunën e Prizrenit 2024-2029;
6. Informatë rreth gjendjes së furnizimit me ujë, menaxhimit të mbeturinave dhe energjisë elektrike;
7. Raporti financiar janar - qershor 2024;
8. Informatë rreth përfundimit të vitit shkollor;
9. Raporti i Këshillit për Trashëgimi Kulturore të Qendrës Historike të Prizrenit për periudhën gusht 2023- qershor 2024.

Pika e parë:

Shqyrtimi dhe miratimi i procesverbalit të datës 26 qershor 2024;

Antigona Bytyqi: A ka dikush diçka me shtuar rreth procesverbalit? Po Dafina Urdhëro.

Dafina Alishani: Kryesuese ishin disa gabime aty. Prej diskutimit të shadërvanit kish kcy procesverbali te pjesa e rekomandimit të Florentit për bujqësi, pastaj prap kthehem në shadërvan, në renditje ka gabime.

Blerim Rakaj: Qysh u kanë inçizimi u bë, por mundemi me e verifiku edhe njëherë.

Dafina Alishani: S'mundemi me pasë inçizimin tuj fol për shadërvan e me dal për bujqësi! Ka gabim teknik edhe po ju lus me rregullu.

Blerim Rakaj: I referohemi inçizimit edhe njëherë edhe e rishikojmë, nëse ka diçka e përmirësojmë.

Dafina Alishani: Nuk ka mundësi në mes të shadërvanit me dal në...

Egzona Hoxhaj: Po qashtu kemi fol.

Bajram Kastrati: Qashtu jena deklaru.

Antigona Bytyqi: Atëherë kërkoj që edhe njëherë të ndëgjohet inçizimi edhe në qoftëse ka nevojë për përmirësim e bëjmë. Dikush tjetër? Në qoftë se s'ka, atëherë po e hedhim në votim. Prezent jemi shtatë anëtarë. Kush është për që të miratohet procesverbali?

Karanfil Haxhillari: Me vërejtje apo?

Antigona Bytyqi: Po me vërejtje për rishikim. Unanimisht ju faleminderit shumë. Kalojmë te pika e dytë,

Pika e dytë:

Shqyrtimi dhe miratimi i ditës.

Antigona Bytyqi: A ka dikush diçka me shtu rreth rendit të ditës? Po urdhëro znj. Mybexhele.

Mybexhele Zhuri: Faleminderit Kryesuese. Kisha dashtë që pika e Draft-planit komunal për barazi gjinore të hyjë në rend dite sepse është gati prej muajit maj. Për shkak të ngarkesave me pikat tjera është shtyrë shqyrtimi i këtij plani.

Antigona Bytyqi: Plani komunal i veprimit për Barazi Gjinore apo?

Mybexhele Zhuri: Po.

Antigona Bytyqi: Faleminderit. Dikush tjetër? Po urdhëro Bajram.

Bajram Kastrati: A e kalon afatin, që për me hy në rend dite është puna se kemi shumë pika të rendit të ditës?

Mybexhele Zhuri: Po veç viti po kalon, pasi që më shumë se gjysmën ne e kemi paraparë me aktivitete, kështu që po duhet. Edhe është nevojë për shkak të performancës komunale, është një prej kritereve.

Antigona Bytyqi: është fakt që ka qenë e përgatitur prej muajit maj, por për shkak të disa intervenimeve të vogla që kanë pas me i bë drejtoritë edhe një ditë para se me thirrë seancën nuk ka qenë gati për një intervenim të vogël, kështu që se kemi qitë.

Karanfil Haxhillari: Po bre, por është një plan që edhe ndonjë material nuk kemi, neve seancën e kemi pasnesër. Në qoftëse vijne këto dokumente që me të vërtetë e kanë një rëndësi shumë të veçantë për qytetarët e Komunës së Prizrenit edhe neve si kuvendar na nevojitet një kohë që të përgatitemi që të japim vërejtjet tona, që të japim ndonjë, apo vetëm doni me na pru me na servu edhe votu.

Mybexhele Zhuri: Jo aspak, këtë plan pune e kam dërguar me kohë edhe te Kryesuesja, ky plan e ka kaluar edhe dëgjimin publik, ashtu që këto procedura i kam ndjekur të gjitha. Nuk n'varet prej meje futja në rend dite, unë nga ana ime i kam kryer procedurat.

Antigona Bytyqi: Po veç a ka pasur drejtoria me bë një intervenim, unë s'kam pasur qysh me futë në rend dite pa atë përmirësim.

Mybexhele Zhuri: Jo, Kryesuese më vjen keq, ky intervenim ka të bëjë me planin për dhunë në familje sepse me vetë planin për barazi gjinore është parapame, një prej pikave është, një prej objektivave është edhe hartimi i planit dhe aktiviteteve rreth dhunës në familje. Plani ka filluar më vonë për dhunë me u hartu edhe ende nuk është as Draft i gatshëm si të them. Ashtu që ky plan ka përparësi para atij edhe ka ndërhy dikush që ndoshta se ka kuptu mirë natyrën.

Antigona Bytyqi: Unë kam pasur kërkesë që mos me e futë në rend dite sepse nuk është gati.

Mybexhele Zhuri: Atë nuk e kam ditë unë, por unë kam pritur që do të jem në këtë asamble, ashtu që.

Antigona Bytyqi: Mirë mirë, ju e dhatë propozimin të shohim pastaj vendosim ne këtu bashkërisht.

Dafina Alishani: çka po thu o Levent, fol pak më shumë.

Levent Bus: Mendimi im është le të hyn në rendin e ditës.

Dafina Alishani: Po bre le të hyn por nëse kuvendi ka me votu, ish dashtë na me pasë një dokument. Edhe dëgjimet publike i keni ba por na si kuvendar nuk e kemi marrë asnjë ftesë! E mbaj mend atë ditë ju kam taku, s'ka pas hiç prezencë. Nëse bëni dëgjime publike veç sa me e bë, mos bëni hiç.

Mybexhele Zhuri: Unë nuk jam ajo që i thërras, unë vetëm i njoftoj organet kompetente.

Dafina Alishani: Në rregull, por ish dashtë me u marrë me mbarvajtjen edhe kur po adresohet ky plan. Kuvendaret nuk e di a kanë pasur qasje, përveç ndoshta Komisionit për Barazi Gjinore nëse kanë pasur qasje aty, ne kuvendaret nuk kena pasur. Nuk e di qysh po doni me ba plan pa bashkëpunu me kuvendaret!

Mybexhele Zhuri: Jo, kuvendaret kanë qenë edhe pjesë e planit.

Dafina Alishani: Jo s'kanë qenë pjesë e planit, unë për vete s'kam pranuar as ftesë, as dokument, as asgjë!

Antigona Bytyqi: Kështu, është bërë propozimi, tash e vendosim, edhe materialin besoj e përcjellim.

Dafina Alishani: Nuk jemi na kundër kësaj, por jemi kundër që vijjnë gjërat kur këtu prap ka me pasur nevojë për kuvend. Çka kena me votu? Një plan të cilin e ka bërë dikush që as nuk na ka përfshi! Nëse s'ka afate ligjore, ka shumë pika, e lëmë për seancën e radhës.

Antigona Bytyqi: Propozime tjera a kemi? Atëherë kështu, u bërë një propozim që Plani Komunal për barazi gjinore të hyjë në rend dite, po e hedhi në votim, kush pajtohet për me e fut sot në rend dite, materiali do të ju dërgohet sot gjatë ditës së bashku me rekomandimet në qoftëse keni pajtueshmëri. Atëherë po e hedhi në votim propozimin e ri që u bërë tash. Kush është për që të hyj në rend dite? Gjashtë jemi për, zero kundër dhe dy abstenim. Atëherë bashkë me propozimin e ri po e hedhim në tërësi rendin e ditës në votim. Po urdhëro karanfil.

Karanfil Haxhillari: Meqenëse e kemi pasur edhe raportin e auditimit të auditorit gjeneral të përgjithshëm, ish kanë e mirë që para se me shku në pushim që ta kemi si kuvend hapësirën dhe mundësinë për diskutim mbi raportin e auditimit të përgjithshëm për komunën e Prizrenit.

Antigona Bytyqi: Me sa e di në shtator e kemi në plan të punës edhe me sa më kujtohet zakonisht në shtator kjo është.

Bajram Kastrati: Nxehtë është.

Kujtim Gashi: Ama raporti është i ftohtë.

Karanfil Haxhillari: Me kanë i ftohtë nuk e kisha kërku.

Kujtim Gashi: Qysh të doni, raporti është gati.

Karanfil Haxhillari: Unë po besoj që raporti është publikuar ka disa kohë.

Bajram Kastrati: Fili është në pyetje se kemi disa informata këtu e që janë shumë të rëndësishme, edhe gjendja e furnizimit me ujë, edhe mbeturinat edhe po ztërzgjatet seanca. Prandaj nuk kisha thënë, për këtë abstenova edhe te pika tjetër.

Karanfil Haxhillari: Para se me qit në votim, nëse me të vërtetë është në planin e punës së kuvendit, atëherë le të mbetet në shtator.

Antigona Bytyqi: Atëherë a ka nevojë me qitë në votim?

Karanfil Haxhillari: Jo jo, mos ta ndryshojmë planifikimin.

Dafina Alishani: Atëherë a bënë kështu po ja bëjmë, këto informatat që ju po i konsideroni shumë me rëndësi me i qit në fillim sepse kur po i kemi në fund s'po ka kurrfarë efekti.

Antigona Bytyqi: Jo bre këto janë sipas Rregullores.

Dafina Alishani: Sipas rregullores po, por unë e di që ti pikën e tetë gjysmën e kuvendit nuk ki me pasë në sallë.

Antigona Bytyqi: Ato që kanë interesim besoj që kanë me qenë aty.

Florent Ukaj: A mundemi me bë një ndërrim që pikën e tetë me e qitë më përpara, le të jetë prej informatave e para.

Antigona Bytyqi: Si pikë e gjashtë a?

Florent Ukaj: Po. Nëse mendoni që është një prej pikave më të rëndësishme atëherë propozoj që pika e tetë të bartet si pikë e gjashtë.

Antigona Bytyqi: Atëherë propozimin që e dha Karanfilin e lamë për shtator. Tash u dha një propozim që pika e tetë të kaloj si pikë e gjashtë, pastaj pika e gjashtë del shtatë e kështu me radhë. Kush është për që pika e tetë të kaloj si pikë e gjashtë? Unanimisht, ju faleminderit. Tash po e hedhim rendin e ditës në tërësi në votim me ndryshimet që i bëmë, kush është për që të miratohet ky rend i ditës? Unanimisht, ju faleminderit të gjithëve. Kalojmë te pika e tretë.

Pika e tretë:

Shqyrtimi dhe miratimi i propozim-vendimit paraprak mbi dhënien e pronës komunale në shfrytëzim afatshkurtër organizatave të shoqërisë civile;

Antigona Bytyqi: Gursel fjala për juve.

Gursel Skenderi: Faleminderit Kryesuese. Në aspektin juridik komunat kanë të drejtë të japin pronën komunale në shfrytëzim organizatave të shoqërisë civile me qëllim të përmbushjes së interesit të përgjithshëm. Dhënia e pronës komunale organizatave të shoqërisë civile bëhet përmes procedurës së konkurimit, kurse të drejtë në konkurim sipas ligjit kanë vetëm ato organizata joqeveritare të cilat veprojnë në territorin e komunës së Prizrenit. Afati i dhënies sipas ligjit këtyre organizatave është afatshkurtër, d.m.th. kanë të drejtë afatshkurtër, jo afatgjatë. Kjo është, ju faleminderit.

Antigona Bytyqi: Faleminderit Gursel. Urdhëro Nënkyetar.

Kujtim Gashi: Gursel e tha në aspektin juridik, unë po them në aspektin politik. Besoj që për rëndësinë e kësaj kuzhine nuk ka nevojë shumë me folë.

Karanfil Haxhillari: Tash a kuzhinë apo shoqëria civile e marrin?

Kujtim Gashi: Tash ta spjegoj. Prizreni e ka një kuzhinë popullore që është private, po menoj private që i shërben personat që kanë nevojë në ushqim ditorë. Por, idea është me të një kuzhinë popullore e cila në aspektin e menaxhimit është e miksume bashkë me ndonjë operator ose organizatë e cila shprehë interesim me menaxhu këtë kuzhinë popullore. Edhe investimet besoj që në bazë të këtyre besoj do të jenë prej jashtë. Kështu që komuna krejt çka oforn në këtë çështje është tokë, hapësirën për afat të caktum të cilin e keni në propozim-vendim. Besoj që është propozim i rëndësishëm edhe i nevojshëm për qytetin e Prizrenit edhe besoj që ka nevojë për mbështetjen e këtij komiteti por edhe të kuvendit në seancën e ditës së enjte.

Antigona Bytyqi: Faleminderit Nënkryetar. A ka ndokush tjetër me shtu diçka reth kësaj pike?

Karanfil Haxhillari: Në bazë të kësaj që po shkruhet, edhe është në rregull kjo që po shkruhet shumë ligjore, ahumë e natyrshme, qysh duhet të jetë. Por realiteti është komplet tjetër, pra këtu në vend se shoqërisë civile, thuajeni burrë jetimave të ballkanit edhe në rregull jemi. Po kërkoni konkurrencë a po kuptoni por prap do të jetë vetëm, mos gabofsha veq mos ja kanë nisë punimet aty. Në fakt qëndrimi jonë si Lëvizje Vetëvendosje po më vjen mirë sepse themelimi i një kuzhine popullore është në aspektin social i domosdoshëm, shumë i mirë edhe na përket edhe neve si të majtë që jemi, domethënë e mbështesim këtë iniciativë. Por, procedurialisht me të vërtetë është kjo pak, po më vjen tallje me qytetarët apo Gursel keni me ja dhënë jetimave të ballkanit?

Gursel Skenderi: Na nuk marrim pjesë, është pika e rendit të ditës komisioni vlerësues që i përgatit edhe i zhvillon procedurat, neve veç na sjell fituesin edhe i përpilojme kontratat në bazë të tyre.

Kujtim Gashi: Karanfil banu pjesë e këtij komisioni edhe jepja qatij që e meriton.

Karanfil Haxhillari: çka në qoftëse është veç një ofertues?

Gursel Skenderi: Ligji e r cakton, mundet edhe një ofertues, por ai ofertues nëse i përmbush kushtet, kriteret mundesh me ja dhënë, ligji është ashtu. Domethënë ëse i përmbush kriteret edhe me një ofertues.

Karanfil Haxhillari: Vetëm të jemi, pasi po thirreni në transparencë, po thoni komuna ma transparente, në këtë rast qekjo nuk është hiç transparencë.

Kujtim Gashi: Pse?

Karanfil Haxhillari: Me ja dhënë 20 ari në zemër të qytetit në Bazhdarhane po e dini ku është, te Çerdhja Yllka, nuk jam kundër por 20 ari për një kuzhinë a nuk po ju doken që janë shumë? Prap unë po them, nuk jemi kundër këtyre iniciativave sepse si qëllim, si ide e kuzhinës është ok, por procedurialisht në letra krejt diçka tjetër është, në praktik do të jetë krejt diçka tjetër. Kjo është domethënë jo transparente dhe kjo është në fakt me këqyr holl e hollë edhe jo ligjore. Do të shihet tash e mbas, unë nuk dua të jem ai i cili e kundërshton një projekt sidomos kur është çështja kur ka të bëjë me bamirësi. Por që forma, procedura janë me të vërtetë që lëjnë shumë për të dëshiruar.

Antigona Bytyqi: Faleminderit Karanfil. Urdhëro Dafina.

Dafina Alishani: A nuk ekziston mundësia me bë dhënia në shfrytëzim me emërim të OJQ-së sepse tashmë po dihet, na të njetën e kemi pasur edhe me stadiumin e qytetit. Formalisht i banëm krejt procedurat por në fund u dike kush ka me marrë. A është e drejta e kryetarit sikurse ka bë me OJQ-të tjera me që me vendim ja jep në shfrytëzim, a nuk mundemi me e bë atë, pse jo?

Gursel Skenderi: Jo Dafina, neni 16 sipas rregullores është veç me konkurim.

Dafina Alishani: si ja dhamë PPDMK-së mrapa bibliotekës?

Kujtim Gashi: Ajo u kanë afatshkurtër.

Bajram Kastrati: Për sa vjet është kjo?

Gursel Skenderi: është propozimi 15 vite, se afatshkurtër është prej 1-15 vite, kryetari ka propozuar 15 vite.

Dafina Alishani: çka ka me përfshi aty përveq kuzhinës popullore?

Gursel Skenderi: Atë bartësi i projektit e din.

Dafina Alishani: Kush është bartësi i projektit? Ju si zyre e pronës ish dashtë me ditë për çka po jipet.

Gursel Skenderi: Po jipet për projektin, na nuk e bëjmë projektin Dafina, DPMS-ja, e ka projektin.

Dafina Alishani: Gursel a po kuptohemi, ju si zyre e pronave mirreni veç me procedura.

Gursel Skenderi: Në aspektin juridik, po ashtu.

Dafina Alishani: Mu si kuvendare më duhet me ditë se çka ka me pasë në atë hapësirë të madhe?

Gursel Skenderi: Prej bartësit projektit duhet me pyet.

Dafina Alishani: Kush është bartësi i projektit?

Gursel Skenderi: Drejtoria për Punë dhe Mirëqenie Sociale.

Dafina Alishani: Ku është drejtoria e mirëqenies? Pse s'ka ardhur me na informu?

Çelë Lamaj: Kryesuese a ka mundësi ti përgjigjem profesionalisht pak?

Antigona Bytyqi: Po urdhëro drejtor.

Çelë Lamaj: Derisa prona jep një lokacion, qaj përfituesi i atij lokacioni ka me ofru një projekt, i cili projekt duhet me ju dhënë edhe leje të ndërtimit, duhet të hapet një diskutim publik edhe rreth projektit apsolut, ku keni me mujt me marrë pjesë edhe ju kuvendarët, shoqëria civile, qytetarët dhe gjithë akterët të cilët kanë interes për me pa se çka do të ndërtohet në atë lokacion. Kështu që, kjo është procedurë vetëm dhënie në shfrytëzim një hapësirë ku do të ndërtohet një objekt, në këtë rast e tha Nënkrystari një kuzhinë popullore. Atëherë projekti ka me ta përcaktu ty sipas lokacionit, ke me pa cila është hapësira që ju duhet atyre që ne nuk mundemi me ditë.

Dafina Alishani: A nuk është diskriminim kjo krahas OJQ-ve tjera, domethënë pse një OJQ me pas këtë.

Çelë Lamaj: Po le të konkurojnë të gjithë OJQ-të të cilët kanë një interes për me ndërtu edhe me dhënë bukë pa pare. Gjethkush mundet me konkuru, nuk ka një adresë që mundesh me thënë që filani ka me marrë.

Antigona Bytyqi: Faleminderit drejtor. Bajrami fjalën e ka.

Bajram Kastrati: Te konkurenca drejtor, këta që do të konkurojnë për me marrë, a ofrojnë projektin qaty te konkurenca apo bahet projekt mandej pasi ta fiton atë.

Çelë Lamaj: Masi ta merr lokacionin.

Gursel Skenderi: N'varet edhe prej Komisioni i cili i vendos kriteret.

Bajram Kastrati: Edhe tjera Dafinë, po më duket ndoshta paragjykim kjo që po destinohet, po orientohet për një organizatë të caktume. Ku po bazohesh përderisa e kemi edhe komisionin?

Karanfil Haxhillari: A po lidhem?

Dafina Alishani: Këta pa pasur destinacion deri tash asnjë pikë s'na kanë sjellë.

Bajram Kastrati: Unë jam tuj folë parimisht, seriozisht edhe ligjërish. A kemi naj hapësirë qetu te nenet që na është i orientuar për një organizatë të caktume? Apo veç po paragjykoni.

Karanfil Haxhillari: Po dihet mor burrë.

Bajram Kastrati: Po jo bre se s'dihet përderisa komisioni ka mu përzgjedh prej anëtarëve të kuvendit Fil, qysh dihet?

Karanfil Haxhillari: Po aty ja kanë nisë punës o burrë.

Kujtim Gashi: Karanfil, a po hyn ti?

Bajram Kastrati: A nëse ja ka nisë projekti, ajo është diçka tjetër.

Kujtim Gashi: S'ja ka nisë jo.

Bajram Kastrati: Jo se tash kur e votojmë, mos ta votojmë me paragjykime.

Karanfil Haxhillari: Këtu në bazë të ligjit është qekjo që po e thotë dhe shumë mirë nenet, në rregull jemi qysh e përcakton ligji. Por, realiteti do të jetë krejt ndryshe sepse.

Bajram Kastrati: A është paragjykim kjo?

Karanfil Haxhillari: Në qoftëse kemi të bëjmë me një kuzhinë popullore apo drejtor?

Çelë Lamaj: Po.

Karanfil Haxhillari: çka nëse bëhet aty edhe një administratë, një zyre administrative?

Çelë Lamaj: Dëgjo, nëse don me fol profesionalisht atëherë ti nëse don me e kuptu se çka është një projekt, atëherë nuk ka objekt i cili nuk e ka edhe një pjesë administrative i cili duhet me u menaxhu nga një menaxhment, atë duheni me e ditë. Edhe në shtëpi tane nëse ke mundësi financiare ke me e bë një kënd pune, d.m.th. ke me bë një zyre, në shpi tane private e le ma në institucione. Kjo ka me qenë institucion edhe aj institucion duhet me pas...

Karanfil Haxhillari: A e kemi të drejtën për ne si kuvendar, në këtë rast përfaqësues të qytetarëve të komunës së Prizrenit, para se me e votu me e ditë se çka do të bëhet?

Çelë Lamaj: Komisioni ka me ditë edhe keni me e paraqitë aty.

Karanfil Haxhillari: Në momentin që ne e votojmë masnesër 20 ari shkojnë, a po kupton.

Kujtim Gashi: Nuk shkojnë, në shfrytëzim jepen.

Dafina Alishani: Po më vjen mirë që drejtorinë e mirëqenies Sociale e paska fillu çela edhe atë drejtori me e kaplu.

Çelë Lamaj: Jo, nuk kaploj unë ti Dafinë kurgjo hiç, po mundona me ndihmu.

Dafina Alishani: Drejtor, ish dashtë bre drejtori i cili e ka si sponsorizues ish dashtë me ardhë qetu me na tregu. Unë se di pse Drejtori i DSHP-së ka nevojë me na spjegu për mirëqenie! Flet për turizëm, flet për mirëqenies, heqni drejtoritë, s'po jeni serioz.

Antigona Bytyqi: Nënkryetari e ka fjalën. Ju lutem flisni me radhë për shkak të procesverbalit, ta mbajmë një rregull.

Kujtim Gashi: Disa projekte në mënyrë automatike barten edhe nëpër sektorët e vetë sipas natyrës. Ky është prioritet i Kryetarit të Komunës, s'ka të bëjë me drejtori por natyrisht që një drejtori e bartë projektin. Edhe një rrugë e caktume është prioritet i kryetarit por e bartë shërbimet publike sepse s'mundet se s'mundet me bartë zyra e kryetarit. Kështu që në këtë kontekst jemi në rregull. Pse s'është drejtori, jemi ne të tjerët këtu e para. E dyta, ky është hap i parë që kuvendi me vendim e jep në shfrytëzim një pronë për një qëllim të caktuar të cilin qëllim e keni në vendim. Tash në vendimin e dytë e keni me formu komision, edhe ti nëse don me ditë po ja jep autoritetin qatij komisioni me i zhvillu procedurat sepse krejt kuvendi 41 anëtarë s;munden me kanë në komision, i ka përcaktuar ligji këto procedura. Në momentin kur ja jep votën ti i ke besu një anëtar që e ke qu në këtë komision edhe qaj anëtarë ka të drejtë edhe me të raportu edhe me të njoftu ty

për ecurinë e punëve. Nuk ka aktualisht projekt, ka një qëllim, qëllimi është me u ba kuzhina popullore, tani procedurat janë në vazhdim dhe ajo për 1 javë nuk bëhet. Ai që e fiton ka me prezantu projektin, ka me marrë lejen, ka me i marrë kushtet, janë do procedura që të gjithë i dimë, se di pse po hyjmë në debate të panevojshme! Nëse është e nevojshme kuzhina popullore duhet me e mbështetë, nëse nuk është e rëndësishme duhet me kundërshtu, dy gjëra janë.

Antigona Bytyqi: Faleminderit Nënkyetar. Dikush tjetër?

Karanfil Haxhillari: Edhe njëherë të sqarohemi, a e din të mos keqkuptohemi. Kuzhina popullore është e mirëseardhur për Komunën e Prizrenit e cila me të vërtetë ka skamnorë, nuk jemi kundër apsolutisht kësaj. Vërejtjet tona dhe ky debat u zhvillua kryesisht në bazë të pjesës ligjore dhe në bazë të pjesës tjetër të cilën pe dimë dhe që shpresoj të shkoj sa më mirë. Por ama kundër politikave sociale nuk jemi.

Antigona Bytyqi: Atëherë prezent jemi nëntë anëtarë, po e hedh në votim pikën e tretë që ti rekomandohet mbledhjes që do të mbahet të enjten. Kush është për? Unanimisht, ju faleminderit të gjithëve. Kalojmë te pika e katërt.

Pika e katërt:

Shqyrtimi dhe miratimi i propozim-vendimit për formimin e Komisionit Vlerësues

Antigona Bytyqi: atëherë siç e dini për secilin vendim paraprak që e merr kuvendi komunal, duhet me formu një komision. Përbërjen besoj që tashmë e dini: 2 anëtarë do të jenë nga kuvendi, dy nga ekzekutivi dhe 1 nga shoqëria civile. Ne si kuvendar shkojmë me formulën qysh e kemi pasur 1 pozitë, 1 opozitë, e dini formulën.

Dafina Alishani: Formulën që e urren Bajrami.

Bajram Kastrati: Unë jam parimor dhe vazhdoj të jem, le të përzgjedhen dy anëtar të kuvendit, s'ka pozitë-opozitë. Munden me u zgjedh 2 të opozitës pasi në këtë rast janë veç dyshime që po thu është i orientum. Le të shkojnë dy të opozitës edhe qata e përcaktojnë. Si proces unë prej fillimit jam kanë kundër pozitë-opozitë për ndarje sepse nuk po e përcakton ligji edhe jam kundër.

Kujtim Gashi: Duhet të jetë zëri i pushtetit dhe i opozitës, jo veç një krah.

Bajram Kastrati: Kam qenë parimor edhe vazhdoj të jem.

Antigona Bytyqi: Kështu që, emrat i sigurojmë atë ditë në kuvend edhe nga ekzekutivi edhe nga shoqëria civile. A keni dikush tjetër me shtu diçka. Nëse jo atëherë po e hedhi në votim edhe pikën e katërt. Prezent jemi nëntë anëtarë, kush është për? 8 janë për. 0 kundër dhe 1 abstenim. Kalojmë te pika e pestë.

Pika e pestë:

Shqyrtimi dhe miratimi i strategjisë për zhvillim ekonomik lokal për komunën e Prizrenit 2024-2029; 26.20 min.

Antigona Bytyqi: Fjala për juve Nënkyetar.

Kujtim Gashi: Jemi këtu bashkë me drejtorin, por si proces e kam bartë pak më shumë unë edhe po mundohem shumë shkurt ta sqaroj sepse dokumenti është shumë voluminoz. Në fakt kur kemi filluar hartimin e dokumentit i kemi pasur vërejtjet tona për shkak se dokumenti ka shumë përshkrim edhe i tërë KAB-i është i përfshimë në këtë strategji, por fatkeqësisht kjo është edhe një fushë që duhet me përfshi për shkak se strategjia bazohet në programin nacional për zhvillim ekonomik lokal edhe në udhëzimin administrativ përkatës edhe që të dy këto dokumente i obligojnë komunat me i përfshi komplet këto që i kemi paraparë në këtë dokument. Gjatë diskutimit publik por edhe në diskutim me komunitetin e biznesit ka lindur më shumë idea me pas pak më shumë progres në të ardhmen vizion, parashikim por megjithatë ka edhe shumë material pa u përfshirë meqë këto dy dokumente na kanë obligu dhe ne s'kemi mujt me i tejkalu për shkak se edhe në shkresën e ministrit të pushtetit lokal i cili ka kërku që komuna me përfundu strategjinë për zhvillim ekonomik lokal edhe me u bazu në mënyrë eksplicite në të dy dokumentet edhe në strategjinë dhe programin nacional për zhvillim edhe në udhëzimin administrativ i cili e rregullon këtë fushë. Kështu që e di që ka me pasur vërejtje pak më shumë në atë pse është përshkru ma shumë edhe historiku i Prizrenit edhe që ka Prizrenit kapacitetet ekonomike. Një pjesë e madhe e dokumentit është i përfshirë buxheti d.m.th. KAB-i, psh. drejtoresha e arsimit e ka pasur një vërejtje ku janë të përfshimë disa projekte që aktualisht ose janë tuj u realizu ose ndonjë prej tyre edhe ka përfundu, por ai figuron për shkak se është marrë prej KAB-it edhe rregulli që është paraparë me u përfshi. Përkundër vërejtjeve që kanë ekzistuar dokumenti si i tillë është qind për qind i bazum në programin nacional të qeverisë edhe në udhëzimin administrativ edhe çdo gjë që mundemi me i hjek për me u largu prej këtij dokumenti kërkush nuk mundet me siguru që i njëjti nuk kthehet prap prej ministrisë për rishqyrtim për shkak se ka praktika të tilla për disa komuna që kanë ba planin qysh kanë mendu ato vetë. Struktura, korniza edhe krejt janë të bazuara në programin nacional për zhvillim ekonomik loka. Ju faleminderit.

Antigona Bytyqi: Faleminderit Nënkryetar. A ka dikush me shtuar diçka rreth kësaj pike.

Dafina Alishani: Jam e interesuar me ditë cilat OJQ kanë marrë pjesë në përpilim e kësaj strategjie? Për shkak se sikurse e pashë prej OJQ-ve vetëm AZHR-ja ish pjesëmarrës.

Kujtim Gashi: AZHR-ja ka qenë pjesë e hartimit.

Dafina Alishani: Ju keni vendosur si grup punues apo ?

Kujtim Gashi: Grupi punues e kemi kërku mbështetje dhe ndihmën e tyre në aspektin profesional.

Dafina Alishani: Pa thirrje pa kurgjo, vetëm ju keni vendosur?

Kujtim Gashi: Po thirrje s'kemi pasur sepse si kemi paguar.

Dafina Alishani: Ok. Sa i përket OJQ-ve tjera të cilat përfaqësojnë bizneset a kanë pasur pjesëmarrje në përpilim të këtij dokumenti. Ishin aty disa të dhëna qesharake të cilat nuk e di a është dashtë me i paraqitë se cilat shërbime i jep komuna! Apo vetëm sa me e bë dokumentin voluminoz e kanë pa të arsyeshme për me e vendos atë. Edhe te pjes e çështjes së grave jeni duke u tallë me gratë e qytetit! Flitni aty për pjesëmarrjen e grave, flitni aty për rëndësinë e grave ndërsa në praktikë na i shohim që kërka nuk jeni me ato objektiva të cilat i keni pas edhe para fushatës edhe pas fushatës. Andaj, ju kisha lutur hjekni komplet ato fjalitë që i zburoni e që i lavdëroni gratë, domethënë as në strategji nuk e kanë vendin sepse nuk i keni ju qëllim me i përfshi gratë,

ajo shihet edhe në akzekutiv ose p.sh. e keni cek aty që mbrojtja kundër diskriminimit ose ngacmimit, ndërkohë ngacmuesit i keni hala nëpër shkolla e sinjalizuesit po i largoni prej shkollave. A e din, për strategji disa herë e kam thënë edhe prap po ju them, dorën ja u zgjas për dokumente, në praktik kur po vjen po qaloni. Te pjesa e zonës ekonomike nuk pashë shumë dokumente ose të dhëna se çka pritet për zonën ekonomike, kur flasim për një strategji afatgjate për ekonomi, ish dashtë me pasë prioritet të lartë zonën ekonomike por edhe informatat në qet strategji për zonën ekonomike. Ato po mbesin prap në dokumente edhe nuk na intereson se a i përmbushim ato.

Antigona Bytyqi: Faleminderit Dafina. Po urdhëro Bajram.

Bajram Kastrati: Sigurisht që si dokument është pak i madh me diskutu për secilën veç e veç por një vërejtje që e kam vërejt në fillim është te territori i komunës së Prizrenit përfshihen 76 vendbanime përfshirë fshatrat Atmaxhë dhe Arbanë. Arbanën e keni shti në mesin e fshatrave.

Kujtim Gashi: Fshat është.

Bajram Kastrati: Ka qenë por tash s'është. Ka edhe vërejtje tjera që kemi mi prezantu. Për që jemi fshatar nuk jemi në fshat por në lagje të qytetit. Unë se kam problem se jam edhe katunar edhe fshatar por dikush preket. Nuk është e drejtë sepse është lagje edhe zyrtarish është lagje edhe me tabela edhe me futë në mesin e fshatrave.

Kujtim Gashi: Këtu qenkan krejt fshatrat.

Bajram Kastrati: po de edhe Arbana fshat është, ti a po don Arbanën me Atmaxhë me krahasu a, s'mun me krahasu, ti je ma tutje.

Kujtim Gashi: Veç me ta spjegu nëse më lejon.

Bajram Kastrati: Po nuk janë në lagje të përfshime nënkryetar, këqyri.

Kujtim Gashi: Në rregull, a po më ndëgjon pak. Nëse më ke ndëgju kur kam folë thash është një përshkrim që bazohet në dokumentet ekzistuese dhe në dokumentet ekzistuese Arbana është fshat në të dy dokumentet ekzistuese.

Bajram Kastrati: Jo.

Kujtim Gashi: Në dokumentet e reja është lagje por ne punojmë në dokumentet të cilat hala s'janë ndërru, referoju pak edhe Statutit të komunës edhe e sheh aty, përndryshe pajtohna që është lagje.

Antigona Bytyqi: Vendbanim bre i paskan thënë Bajram.

Bajram Kastrati: Vendbanim or si ka cekt edhe vendbanimet tjera, as Dardaninë se ka cek, veç Arbanën e ka shti në mesin e fshatrave.

Çelë Lamaj: Gjithçka çka është brenda hartës zonale ma është paralagje, lagje.

Bajram Kastrati: Po duhet na tash me votu një diçka që!

Antigona Bytyqi: Bajram a ke diçka tjetër?

Bajram Kastrati: Jo jo, qeta për momentin e në seancë tjerat mundemi me i diskutu.

Kujtim Gashi: Mundemi me e ndërru por thashë çdo ndërhyrje bjen në kundërshtim me dokumentet ekzistuese.

Bajram Kastrati: Tashi na me Landovicë e me Atmaxhë s'mundemi me u krahasu.

Florent Ukaj: çka ka Landovica e Atmaxha.

Dafina Alishani: Te sfidat te secili sektor, te sektori i shëndetësisë dhe mirëqenies sociale nuk ka asgjë, d.m.th. po shihet që e ka lënë zbrast për me e plotësu drejtoria përkatëse. Unë mendoj që është e mangët ose a planifikohet me u paraqitë edhe këto sfidat apo drejtorat nuk po kanë kohë me u marrë me këtë strategji. Te sfidat ne e kemi të zbrazët pastaj te pjesa e objektivit është paraqitë edhe shëndetësia dhe mirëqenia sociale, ju rekomandoj me e plotësu këtë pjesë te zbrazët. Edhe kush e ka përgjegjësi këtë me e monitoru se këto objektivat se këto objektiva a po mirren parasysht apo jo, ky grup që e ka bë apo direkt kryetari si si menaxher.

Kujtim Gashi: Grupi në fakt e kryen punën ditën kur miratohet si komision edhe e pushon aktivitetin. Ndërkohë mbikëqyrja është e kezekutivit edhe në raport përfundimtar bazohet edhe në këtë farë dokumentin e qeverisë në planin nacional ku bëhet një analizë e përgjithshme edhe e planit edhe e strategjive komunale rreth implementimit, domethënë ka me qenë një raport nacional përfundimtar edhe për komunat edhe për qeverinë.

Dafina Alishani: Bartëse a nuk është Drejtoria e Turizmit dhe Zhvillimit Ekonomik?

Kujtim Gashi: Në këtë strategji është zyra e kryetarit sepse është gjithëpërfshirës.

Antigona Bytyqi: Dikush tjetër, a keni diçka me shtuar? Në qoftëse jo po e hedhi në votim edhe pikën e pesë. Prezent jemi 9 anëtarë, kush është për që ti rekomandohet mbledhjes? 6 jemi për, 0 kundër dhe 3 abstenim. Faleminderit edhe kjo pikë i rekomandohet mbledhjes. Kalojmë te pika e gjashtë.

Pika e gjashtë:

Informatë rreth gjendjes së furnizimit me ujë, menaxhimit të mbeturinave dhe energjisë elektrike.

Antigona Bytyqi: Ne e kemi të përfshirë edhe furnizimin me ujë, mbeturia dhe energji elektrike sepse në pajtueshmëri me drejtorin Çelë Lamaj, që përfaqësuesit me i ftu, kemi kërku informata edhe prej KEDS-it, pastaj duhet me hjek për energjinë elektrike në qoftëse nuk na vijnë edhe në kuvend. Fjalë po ja kaloj drejtorit Çelë Lamaj.

Çelë Lamaj: Faleminderit Kryesuese. Unës sot këtu do t'ju prezentoj në vija të trasha sepse e kemi edhe Sektorin e Ambientit i cili do t'ju përgjigjet edhe pyetjeve tuaja eventuale rreth menaxhimit të mbeturinave, e keni edhe pjesën e Hidro-regjionit të cilët i kena këtu prezent dhe i falënderoj shumë për bashkëpunimin. Fatkeqësisht nuk e kemi KEDS-in, i cili përkundër tentativave të mia, kontaktit me ta, mirëpo nuk kanë ofruar material as nuk kanë pasur gatishmëri së paku deri më sot që të jenë prezent edhe në seancën e ditës së enjte. Unë deshta vetëm diçka që sa i përket menaxhimit të mbeturinave shpesh po bëhen statuse nëpër facebook dhe po bahen hedhje të mbeturinave vend e pa vend në qytetin e Prizrenit tuj e ditë që ne e kena një ndërmarrje e cila është e angazhume për pastrimin e qytetit. Mirëpo hudhja e mbeturinave kishte me qenë mirë kur bëhen statuse kishte me qenë mirë që njerëzve të papërgjegjshëm të cilët bëjnë hudhjen e mbeturinave edhe dalin e bëjnë fotografi menjëherë edhe qesin statuse në Facebook, më mirë është me pasë një mesazh edukativ për qytetarët që nëse ne si komunë nuk bëjmë ndonjë shërbim ose si ndërmarrje publike nuk bënë shërbimin e duhur, atëherë adresohet së pari në DSHP, nëse ne nuk reagojmë eventualisht sepse sun i rrimë te dera aty me pa se qysh po e qet një thes mbeturina që ka ndodhur para disa ditësh në sheshin e shatërvanit që janë disa biznese që kanë gjujt, tuj e pa që ka aktivitet dhe ka punë tash, qasja është shumë problematike, shkohet edhe hudhen thasë me mbeturina bash në qendër të shatërvanit edhe bëhen postime, është për me të ardhë keq në përgjithësi për të gjithë ato që bëjnë veprime të tilla. Sot, në unazën e qytetit ku ne jena mundu edhe kena mbjellë disa drunjë dekorativ, sot lokalet përreth aty pasi që të kalon transporti, aty 5 herë mbrenda ditës qarkullohet me mbledhjen e mbeturinave dhe e dinë shumë mirë orarin. Një pjesë të mirë të fajit e mbanë edhe Drejtoria e Inspektoriatit e cila duhet të reagoj përkundër mungesës së stafit të cilën ne e dimë të gjithë që e kanë edhe dalin e gjunë mbeturia në hapësira të gjelbërta. Kjo duhet me të ardhë keq për të gjithë ata të cilët i bëjnë veprime të tilla. Ne të gjithë si qytetar duhet të reagojmë edhe të bëjmë një fushatë vetëdijësuese edhe pse këtu nuk e di çfarë vetëdijësimi duhet me pasë sepse çdonjëri se te shtëpia e vetë nuk e merrë me gjujt në bari ose në lulet e veta por në hapësirën publike e merrë sikur na jena të detyrum tashti saherë ta qet ai me nejtë gati sepse s'ka mundësi teknikisht as në Japoni e cila ka pasë një projekt me komunën e Prizrenit i cili ka pas një efekt shumë pozitiv në grumbullimin e mbeturinave t% bëhet një veprim i tillë. Kështu që, ju kisha lutur edhe juve si kuvendarë në përgjithësi që të bëni apel edhe në grupet e juaja që është shumë mië mire sepse ky qytet nuk është i Partisë Demokratike, është i gjithë qytetarëve të Prizrenit edhe ne të gjithë bashkë duhet të bëjmë që këtë qytet ta mbajmë sa më pastër sepse është për ne dhe fëmijët tanë të cilët jetojnë këtu. Për pyetje të cilat e kemi këtu sektorin e menaxhmentit e mbeturinave i cili do të jepë përgjigje, normalisht edhe të Hidroregjionit. Për KEDS-in, do të bëjë tentatia edhe gjatë ditës së sotme që së paku në seancë të na vijnë, nuk e di. Na i kemi thënë gjithmonë që ata janë një autoritet tjerë dhe nuk ki mekanizëm si me thënë me i marrë me zor edhe edhe me i pru me na ardhë. Kam kontakti jo veç me menaxhmentin e Prizrenit por edhe në Prishtinë, më kanë premtu që po, qe po mirremi, kena me dërgu një raport, mirëpo deri sot nuk kemi asnjë përgjigje pozitive. Ju faleminderit.

Antigona Bytyqi: atëherë meqë s'kemi naj raport në kërkesën me energji elektirike, nuk po besoj ma që ndoshta do të vijnë edhe në kuvend.

Çelë Lamaj: Unë do të provoj edhe sot gjatë ditës mos po ma konfirmojnë së paku për kuvend.

Antigona Bytyqi: Atëherë me e lënë edhe energjinë elektrike.

Egzona Hoxhaj: Po leje si opsion.

Çelë Lamaj: Po në fund të fundit, më fal Kryesuese por mund të diskutohet edhe aty se ajo është mediatike edhe le të diskutohet që KEDS-i është i papërgjegjshëm në kërkesat e kuvendarëve të komunës së Prizrenit.

Antigona Bytyqi: Atëherë po e lëmë emërtimin e plotë të pikës.

Egzona Hoshaj: Po, le të hjeket përgjegjësia prej neve, le të mbetet përgjegjësia tyne.

Antigona Bytyqi: Në rregull. Po ja kalojmë fjalën zyrtarëve fnga Hidro-regjioni. Urdhëroni.

Fadil Berisha: Faleminderit, së pari ju përshëndes të gjithëve dhe faleminderit për ftesë. Është kënaqësi që kam rastin të raportoj dhe të diskutoj me ju për gjendjen aktuale, por jo vetëm aktuale por të përgjithshme të situatës së furnizimit. Për informatën e juaj, unë jam Fadil Berisha, jam i angazhuar nga fillimi i vitit si Ushtrues i Detyrës së Kryeshefit Ekzekutiv për ata që nuk më njohin. Për këtë arsye unë jam absolutisht, gjithmonë nga dita e parë jam për transparencë dhe për bashkëpunim pa marrë parasysh sepse interesi qytetar, interesi publik sidomos për çështjen e furnizimit me ujë s'ka të bëjë fare me politikë, mos më keqkuptoni që po shprehem kështu drejtpërdrejtë. Unë kur e kam marrë ftesën edhe pse në fillim në mënyrë jo zyrtare po absolutisht nuk qon peshë ajo për mua.

Çelë Lamaj: Më fal kryeshef, edhe një thirrje telefonike gjatë orarit është zyrtare, s'don me thanë që gjithmonë duhet me pas e-mail, edhe një telefonatë nëse e ke marrë.

Fadil Berisha: Për mua mjafton edhe me sms unë e pranoj, nuk thash unë që, ftesat zyrtare nuk po du me hy në atë, për mua mjafton edhe me sms. Por ftesa zyrtare, unë jam mësu ja qon një ftesë zyrtare nëse ju mendoni, në rregull është edhe ajo, nuk thash në atë kuptimin sepse përndryshe s'kisha qenë këtu e me thënë s'ma ke dërgu ftesën.

Çelë Lamaj: Drejtor ju ka ardhë një e-mail në adresë të Hidro-regjionit.

Fadil Berisha: Mirë de por u dashtë, mos të humbim kohë sepse e keqkuptove menjëherë me diçka tjetër. Është me rëndësi me bisedu edhe për gjendjen aktuale. Unë, në kohë sa më të shpejtë dhe të shkrtë që e keni kërkuar ju thjeshtë me pasë një pasqyrë ndoshta në pika të shkrtëra për me ditë gjendjen ose historikun se si funksionon kompania e krejt ato, unë po flas veç për Prizren, jam fokusuar për Prizren edhe pse e dimë që është kompani regjionale. Unë në fillim të raportit e kam dorëzuar edhe një hartë të zonës së shërbimit përgjegjshmëri që kemi. Nga këto zona që i menaxhon fshatrat dhe Prizrenin kuptohet. Kërkoj falje se kanë mbetë disa gjana Dushanovë aty edhe fshat.

Bajram Kastrati: Po ja keni inati Dushanovës.

Kujtim Gashi: Edhe me ujë kokit fshat.

Fadil Berisha: Zonat që i kemi nën menaxhimin e KRU-së, janë 30 fshatra po e them veç si numnër, nga to zonat e investuara dhe jashtë menaxhimit, e kam fjalën që zyrtarisht janë të regjistrueme dhe i kam gjetë të dhënat zyrtare që janë të regjistrueme, figurojnë që janë nën menaxhimin tonë, defakto nuk janë, dejure janë, por defakto nuk janë. Janë 6 fshatra si Shpenadi, Velezhë, Smaç, Novakë, Caparc dhe Llutogllavë, se këtu ka pasur investime edhe nga donatorë edhe nga Kuvendi Komunal e tjera e tjera, unë nuk po marë përgjegjësi çka ka qenë këtu, unë flas për gjendjen aktuale, na nuk i menaxhojmë, nuk kanë ujë nga Hidroregjioni nuk i faturojmë. Zonat që janë jashtë menaxhimit të KRU-së janë hiç më pak se 30 fshatra edhe pse ligjërisht do të duhej të ishin në menaxhimin e KRU-së. Poashtu kemi edhe zona të menaxhuara edhe nga KRU Gjakova, janë në komunën e Prizrenit, s'po du me i përmend me emra krejt, dnosta i dini janë nga Lubizhda deri e Randobrava. Tek departamenti i ujit të pijes kemi 12 stacione të pompimit, kjo është shumë me rëndësi edhe për juve me e ditë që ka lidhje me, sa për informacion, ndoshta e keni ditë por i kam dorëzuar në raport krejt ku janë ato, s'po nalna ku. Që të gjitha këto stacione të pompimit rrjedhimisht po e lidhi me këtë që dashta me thënë edhe në fund këto punojnë me energji elektrike, janë me stacione pompat por edhe me energji elektrike, jo kot e thash këtë. E keni edhe hartën se ku janë stacionet e pompimit, të dhënat edhe të burimeve ujore, ne i kemi 14 burime, janë stacionet e pompimit por janë edhe 14 burime, spo i përmendi me emra, ato i keni në raport, kjo ka të bëjë se ne nuk n'varemi prej 1 burimi por edhe prej shumë burimeve tjera, domethënë prej 14 burimeve. I kemi hiç më pak se 27 rezervuare që janë , domethënë që i kemi, gjithmkonë po flas për zonën e Prizrenit ku janë të caktume. Nga këto aktivitete në kryesore unë po fokusona veç në pika të shkurta, i kemi raportet domethënë tash është raporti i tremujorit të dytë, por ligjërisht vetë raporti i tremujorit të parë është i publikuar dhe miratuar nga bordi, për shkak të mirëkuptimit të juaj nuk i kam qitë në raportin e tremujorit të dytë që është tuj u përgatit. Për gjendjen e furnizimit, flasim për gjendjen aktuale, ne këtu në Prizren i kemi pasë hiç më pak se 533 intervenime të avarive dhe defekteve të ujrave edhe këto tjerat nuk po i përmendi. Çka është më e rëndësishme, është cilësia e ujit që monitorohet, ne e kemi kompania është një prej kompanive të pakta në Kosovë që e kemi laboratorin që është i licencuar nga Instituti Kombëtar i Shëndetit Publik në nivel qendrorë, por paralel me këtë ne e kemi edhe një marrëveshje me Institutin Kombëtar i Shëndetit Publik që e kanë edhe degën në Prizren, ku edhe ata i bëjnë analizat paralele sepse për neve cilësia e ujit është prioriteti numër një edhe normal i kemi dhënë rëndësi të veçantë. Nga këto rezultojnë po flas në Prizren tek ujësjellësi të gjitha analizat jo vetëm për këtë tremujor por edhe sot të fundit që e kam marrë, se ne i bëjmë edhe në burim edhe në ujësjellës është me rëndësi qytetari qysh e merrë, asnjë dështim të analizave nuk e kemi pasë se janë të dokumentum, të arkivum nga personi përgjegjës, domethënë nuk kemi pasur asnjë problem te kualiteti. Tek situata e furnizimit e përmendi në fund, unë veç po e përmendi te departamenti komercial në Prizren vetëm në tremujorin e parë janë çkyq 246 lidhje ilegale, janë indentifiku dhe çkyq nga rrjeti, ndërsa deri sot po flas ndoshta është me rëndësi po flas për këtë vit që mbi 450 lidhje ilegale janë indentifiku dhe janë çkyq nga rrjeti. Po ju them mua më intereson për çështjen prej momentit që jamë unë këtu, por në bazë të raporteve që i kemi parë edhe më herët edhe tash kur të raportohet janë transparente edhe kur raportohet tash krahasimi, unë jam ithtar i krahasimeve se si ka qenë edhe ku jemi sepse problemet me një sustë nuk munden me u zgjidhë. Tri vitet e fundit me i bë bashkë nuk ka pasur aktivitete në identifikimin e lidhjeve ilegale ma shumë se që ka pasur në qet periudhën gjashtë mujore, janë dokumente të publikuara në ueb-faqe. Këtë e thash unë me qëllim, s'po i them unë këto tjerat sepse qëllimi kryesor i kontrollimit të lidhjeve ilegale është ruajtja e

stabilitetit të furnizimit me ujë të pijes. Nga aspekti nuk po e përmendi atë financiar sepse për mua është normale që duhet me pasë mjete me investu, por me rëndësi për mua, misioni kryesor është kualiteti i ujit të pijes dhe situata e furnizimit dhe transparencja. Në bazë të që i kemi, unë po flas për periudhën të cilën jam këtu, unë i kam kushtuar një rëndësi tepër të veçantë transparencës dhe nga të dhënat që i kam marrë dhe më kanë raportuar, më rezultoi që në Prizren në raportin 3 mujor i kemi humbjet 73.8%, nga këto të nderuar pjesëmarrës nga 26.2% të ujit nën kontroll që e kam pasur në kemi arritur që në 3 mujorin e parë me pasur një qëndrueshmëri të furnizimit pa asnjë problem as në qytet as në lagje. Kur kam ardhë unë në fillim ka pasur reduktime, s'po flas kur janë rritur temperaturat, në nëntor kemi pasur reduktime në Bazhdarhanë në Tusuz, në Arbanë në Landovicë, në Zhur dhe shkozë. Unë po flas dhe po më intereson me thënë që këto aktivitete kanë ndikuar që kemi pasur qëndrueshmëri furnizimit. Gjendja aktuale tash është një problem kryesor që e kemi evidentuar që nga fillimi ka qenë përveç keqpërdorimeve, lidhjeve ilegale që i përmenda që janë shifra të evidentuara dhe kallxime penale ka për herë të parë. Kanë qenë, jo kot i përmenda ato stacione të pompave, ka qenë ndërprerja e energjisë elektrike nga KEDS-i, çdo ndërprerje që e kanë pasë e kanë çrregullu, jam mundu me qenë transparent me i publiku çdo ndërprerje, fatkeqësisht kemi pasur raste kur ka pasur ndërprerje edhe të pa, fare s'kemi qenë të informuar. Kam reaguar, kam bërë reagime zyrtare, kam takime me KEDS-in që këto mu ndërpre. Hapi i parë unë që kam ndërmarrë që të 40 burimet sado që udashtë procedurat me i ndjekë, mi bërë presion të jashtëzakonshëm, të gjitha ato planifikime e tjera që s'kanë qenë fare të planifikuara, të 40 burimet për herë të parë Prizreni ka një gjenerator që kur nalet rryma aktivizohet automatikisht, që s'ka pasur kurrë. Paralel me këtë është konstatuar gjendja që edhe në stacionet tjera kryesore sidomos në Sozi ku janë 12 fshatra që atakohen, këto zonat prej Nashecit edhe zonat e Hasit si Kojush i dini ato mos t'ju marrë kohë që ka pasur ndërprerje të shpeshta të energjisë elektrike dhe aty i kemi marrë të gjitha procedurat edhe pse s'ka qenë aspak e lehtë sepse s'ka qenë as në plan biznes as e planifikime. Por u dashtë me marrë një miratim të jashtëzakonshëm edhe të bordit komplet edhe pritjet, është e publikime do të vendoset, instalohet një gjenerator me kapacitet edhe më të madh se të 40 burimet sepse ashtu qenka nevoja edhe kjo në ditët e ardhshme pritjet me u vendos edhe me u zgjedh, mu siguro që kur të nalet rryma sikur të 40 burimet automatikisht vihet në funksion edhe banorët nuk e vërejtë këtë. Një problem tjetër gjatë kësaj periudhe ka pasur avari apo defekte të shumta që unë i kam të evidentuara me datë krejt edhe nga shërbimi teknik, kam kërkuar që me pasur një raport të veçantë që nga operatorët ekonomik, unë i kuptoj që gjatë punimeve kryhen defekte, por ka pasur me të vërtetë defekte të mëdha që faktikisht shumë lehtë unë kam mujt me thënë ok dhe me ja dërgu inspektoriatin e komunës që unë shpesh edhe i kam thirrë, kanë ardhë dhe unë i falënderoj me ba proces edhe në punën tonë që me thënë nuk e kam unë obligim, e ka dëmtu operatori ekonomik, ose nga komuna ose nga qeveria në projekte të ndryshme. Por, unë jemi angazhu maksimalisht në interes të qytetarëve që mi rregullu na, më vonë çka shohim ja dërgojmë kallxim penal atij të përmbartësi për të gjitha defektet, avaritë që janë shkakto nga operatorët ekonomik kompania i ka rregulluar në interes të qytetarëve që ka pasur mundësi. Në ditët e fundit ose mos të them tash që 2 javët e fundit me ngritjen e normave të temperaturave edhe pse kemi arritur me pasë në kontroll këtë situatë pa marrë parasysh ato që i përmenda, është rritë konsumi në mënyrë enorme, kur them enorme nuk mundeni me marrë me mend të paparashikueshme. Unë e kam ba evidencë s'ka pasur përpara në fshatra sa po qojmë ujë sidomos në zonat rurale kryesisht, nuk menjanohen edhe zonat periferike në qytet këtu kah kurrila kjo lagjja Dardania, por sidomos në zonat rurale mbi 95% d.m.th. ka pasur humbje të ujit, ju e dini më mirë se unë se çka do të thotë 95%, ka pasur ose rrjedhje ose keqpërdorime ose në forma të ndryshme, vetëm 5% i kemi pasur në kontroll. Por gjithsesi unë them qytetarit nuk i intereson, qytetari don ujë edhe na jemi përgjegjës për atë. Për këtë arsye unë kam angazhuar edhe pse dikush nga aspekti juridik i dini, unë kam angazhu me stafin, me ekipën që e kam pasur në dispozicion që për mua

nuk mjafton në këtë situatë, sidomos te operativa edhe inspektoriati, që jemi angazhuar edhe me punë shtesë, me punu edhe vikendit që i kam kalu në aspektin ligjor orët jashtë orarit, 40 orë është së paku sa më kanë thënë që nuk guxon me i tejkalu 40 orë jashtë orarit sepse i ke shkel ligjet. Thash unë do ta marr qat përgjegjësi nëse e kam shkel qat ligj sepse më intereson interesi publik që qytetarët me pas ujë. Gjithsesi në këtë kohë, kush është ma gjatë këtu se unë s'kam qenë kryeshef edhe pse kam qenë në punë edhe më herët në kompani, gjithmonë në këto temperatura ka pasur edhe rënie të burimeve, lehtë mujm me thanë kanë ra burimet kemi reduktime. Ne fatmirësisht të nderum gjendja e burimeve është shumë stabile, janë të gjitha kapacitetet maksimale, opmpat gjeneratori sidomos te 40 burimet. Mua më raportojnë në baza ditore, çdo ditë kërkoj raport sepse mundet edhe me pas sikurse ka pasur më herët rënie të burimeve, nuk është që s'ka edhe ramje por është stabile dhe me kapacitet të plotë komplet tuj funksionu. Por, siç e potencova kemi një rritje enorme të konsumit fatkeqësisht edhe të keqpërdorimeve, paralel me këtë për shkak të rritjes së konsumit shkon edhe rritje e avarive ose prishjeve. Përderisa në ditët më herët kur s'ka pasur rritje të temperaturave, brenda ditës kemi pasur 4 ose 5 avari përveç atyre të pa planifikuara nga operatorët që i përmenda. Sot në baza ditore i kemi kah 15 dhe 20 defekte që duhet mu rregullu. Unë, me kapacitete tona që i kemi kam kërkuar, thjeshtë nuk është gjendja e jashtëzakonshme por është gjendje serioze, unë kam kërkuar të bëjmë takime të rregullta ditore, jo 1 herë në muaj qysh kam ba me menaxhmentin, por për shkak të situatës edhe kam kërku që me kërku shtesë jo vetëm jashtë orarit por me kërku që avaritë që ndodhin me kërku edhe nga operatorët privat me pagu që mu rregullu defektet sa më shpejtë. Inspektoriati mu shtu që me punu edhe të shtunave edhe të dielave, i kam mbështet në kuptimin që mu pagu edhe jashtë orarit, sepse fatkeqësisht unë edhe vetë kam qenë dëshmitar, nuk rri shumë në zyre që mundet me thënë dikush rrin në zyre, unë apsolutisht shumë kam dëshirë me bisedu me qytetar, me pa edhe me punëtorë por edhe me qytetarë bashkërisht me qenë transparent me pa nuk është puna me lëshu ose me nal ujin edhe fatkeqësisht të shtunën kam qenë nga ora 7 kemi pasur probleme teknike në Shkozë edhe Zhur dhe fatmirësisht janë zgjidhë. Mbi 20 raste unë i kam vërejtë vetë, jo inspektoriati kolegët e mi që i bëjnë, unë i kam vërejtë vetë si qytetarë unë kam dalë civil me veshje sportive me makinë temen edhe në këmbë, mbi 20 raste me tuba-zorrë te ujit tuj ujit edhe fatkeqësisht jashtë orës. Kjo me të vërtetë, nuk është arsyetim por me të vërtetë është tepër serioze sepse unë i thash dikujt edhe drinin e bardhë me ngritë, duhet me u ngritë një vetëdije qytetare. Unë ju tham aktivitetet i kemi qitë në faqen tonë aty në Facebook dhe të internetit, por nuk mjafton me këtë me ngritë vetëdijen sepse kjo gjendje është, sepse dy ditë që ka ra shi, ne me 26% të ujit që e kemi në dispozicion 24 orë po ka ujë dhe po ka kapërderdhje në rezervuarët. E vetmja mundësi është masat ndëshkuese te keqpërdoruesit, përpos masave ndëshkuese unë po them kam angazhuar maksimalisht që tërë ekipet e inspektoriatit por edhe shërbimet e tjera këto që janë lexues me mbështet, me punu edhe ata në identifikimin e lidhjeve ilegale edhe keqpërdoruesve. Kjo është gjendja momentale, problemet deri sot po flasim i kemi sidomos në lagjen Arbana, por jo në të gjithë lagjen Arbana sepse dje koleg të nderum në lagjen Arbana u identifiku me një lagje 63 gypi në ora 7 ma ka dërgu kontrolla aty, edhe ka pasur ujë në lagjen Arbana, s'po flas si shkas, ajo lidhje ilegale që ish kanë 63 kur e ka lëshu ujin, ujë kish pasur mirëpo disa pjesë po por disa pjesë në lagjen Arbana. E kemi pa mundësinë që ato pjesë për mua të gjithë janë qytetarë të njëjtë, nuk ka zona të caktume të privilegjum, që me pa mundësinë në lagjen Arbana me bë reduktime qajo pjesë kah varrezat që me pas ujë, jo dikush me pas ujë e dikush mos me pasë ujë. Një tjetër është këtu te lagjia Jeta e Re, unë po them prej Nashecit e këto sado që janë duke punuar pompat 24 orë, kam angazhuar ekip-staf që mu nal rryma me qenë, mu aktivizu edhe pse gjeneratori s'ka ardhë por me kontrollu, por fatkeqësisht po them edhe këto fshatrat që i kemi mbi 90% janë keqpërdorime edhe 24 orë ju kam thënë me shku me inspektu fshatit Atmaxhë, Tupec, Landovicë që spo vjen tash hiç edhe pse jam unë i Landovicës sepse ndalet uji edhe me pas një, nëse ka nevojë me bë një reduktim për këto

fshatra që me ditë që me të vërtetë ata me pasë ujë. Në Prizren ende vazhdon të jetë situata nën kontrollë edhe pse në Bazhdarhane, një pjesë e Bazhdarhanes sot në mëngjes ka fillu edhe aty me ra shtypja. Kjo është gjendja aktuale edhe unë po e shfrytëzoj rastin, pa marrë parasysh sepse në rend të parë jemi qytetar edhe konsumatorë të gjithë, që në këtë situatë edhe Kompaninë Rajonale të Ujësjellësit sepse ma herët ka pasur kësi iniciativa ku ka pasur përpara reduktime të zakonshme që i quaj unë, që me ba një marrëveshje thjeshtë, unë e di që edhe ju s'keni kapacitet inspektimin me inspektorë, unë i kam kërku me pasë një takim me Drejtorin e Inspektoriatit, më thanë që është në pushim vjetor. Arsyeja pse ka qenë tash po e shfrytëzoj tash këtu pse mu taku me të që thjeshtë me dal në inspektim edhe me inspektorët e komunës edhe me ne bashkërisht që këto keqpërdorime me u ndal, thjeshtë derisa të kalon qekjo, këto ditë vapa e jashtëzakonshme dhe keqpërdorim i jashtëzakonshëm i ujit të pijes.

Antigona Bytyqi: A i lëmë këto më gjërësisht në kuvend që edhe ju mos të mundoheni sepse kanë me u përsëritë gjërat. Ti marrim pyetjet këtu të anëtarëve.

Fadil Berisha: Unë e përfundova, faleminderit edhe ju kërkoj falje nëse ja u shfrytëzova minutazhën pak më tepër.

Antigona Bytyqi: Jo apsolut. Të shohim a kemi pyetje meqë lagjia Arbanë ka. Po urdhëro Bajram.

Bajram Kastrati: Faleminderit Kryesuese, faleminderit Kryeshef, të përgësoj për punën për angazhimin. Meqë ndërhyri edhe Kryesuesja edhe na kemi me diskutu, ftesën sigurisht e ki edhe për pasnesër në seancë, do të diskutojmë edhe më gjërësisht. Unë veç nja 5 pika, se unë prej takimit, isha në Hidroregjion me zyrtarët e juaj për çështjen e Arbanës edhe pak a shumë i informova në këtë formë qysh raportove ti. Unë veç po i cekim si shpejtë e shpejtë disa që sigurisht kemi me i diskutu edhe në seancë. Unë dola jashtë njëherë edhe ka mundësi e ke përsërit por se kam ndëgju. A je i informuar që ka gypa të “azbestit” shumë në qytet edhe a i konsideroni që janë të rrezikshëm për furnizim me ujë? Edhe pse dikush një ditë më tha që jemi furnizu qe sa vite me qeta gypa edhe kurgjo s'na ka gjetë! një. Shtypja e ujit në vazhdimësi, nuk është veç tash, në lagjen Arbanë e kemi, po ndërlihdna në Arbanë përderisa jetoj edhe vetë e kemi 90% mos me thënë 100% furnizimin me ujë me motorr për shtypje të ujit, secila shtëpi e ka motorrin për shtypjen e ujit përderisa nuk furnizohet mjaftueshëm me ujë. Unë jam ithtar i kësaj me i hjek këta motorrë, me pa një formë qysh me i hjek se tash dikush kur ka rrymë e ajo pjesa që s'ka rrymë ky po ja merr ujin krejt, edhe kjo lagjia nalt që vjen, edhe ajo e ka qet problem sepse pjesa tjetër po e merr me motorr e te ata nuk po shkon uji fare se ju veç e kishit ngushtu, e kishit ndërpre pak këtë shtypjes kryesore, ama këtë problemin e shtypjes së ujit ne e kemi në vazhdimësi, jo veç tash, tash është ma ekstrem, qajo pjesë diku rreth 200-300 shtëpi s'kanë ujë fare që qe 4-5 ditë sepse një banorë më tha që ka prit mbrëmë tan natë e uji s'ka ardhë as 1 orë as fare hiç. Do të thotë për qet ndërprerjen është mirë me marrë masa, më prematuan edhe ata zyrtarët që kanë me marrë.

Fadil Berisha: Nëse është si pyetje unë muj me tu përgjigj shkurtë, nëse don me vazhdu unë muj me të ndëgju, por nëse don si pyetje unë ta jap përgjigjen menjëherë. Mirë është me i ndërru krejt gypat e “ azbestit” që është bë një punë e madhe në Prizren me investime edhe Hidroregjioni Jugor edhe Komuna edhe qerisë ka pasur edhe donatorë, por unë po të garantoj nuk është problemi i gypave të “azbestit”, nuk po flas këtu për publik as për kurgjo, m po ju them me kompetencë shumë zyrtare, nuk është problemi i “azbestit” ai që po zmadhohet, problemet janë rrjedhjet nëntokësore që po ndodhin.

Bajram Kastrati: Ajo është temë tjetër, veç veta që a është e rrezikshme?

Fadil Berisha: Paraqet rrezik kur prehet “azbesti”, ai pluhuri rrezik për punëtorët paraqet por jo për qytetarët.

Bajram Kastrati: do të thotë nuk paraqet problem? Je i pari që po ndëgjoj!

Fadil Berisha: Jo i pari, por merre unë ta jap.

Bajram Kastrati: Tash te kontrolla e lidhjeve ilegale, ju e keni një ekipë bajagi të madhe që i kontrolloni qeto. Mua sot ma kërkuan aty edhe komuna edhe tash ti kërkove që komuna mu angazhu në kontrolla.

Fadil Berisha: Me mbështetë.

Bajram Kastrati: Sigurisht që mbështetjen e keni. Por kjo kontrolla, a s’po mundet me menaxhu kontrolla qeto?

Fadil Berisha: Unë nuk po du me ju marrë ma shumë kohë. Ne kemi 61 mijë konsumatorë, shumica e konsumatorëve sidomos këta keqpërdorues i kanë ujëmatësi brenda zonës shtëpiake, unë për me ardh me të kontrollu, mos më keqkupto me marrë personale po e marrë si shembull, duhet 24 orë me të kontrollu çka po keqpërdor ti. Unë kam shkue në Nashec 7 lidhje ilegale i kemi gjetë masdite, mas orës 8, nuk është veç ajo anë, në tana anët ki. Edhe tash qet ekipin që unë po mudona sa më transparent me angazhu edhe jashtë orarit komplet, nuk mjafton jo qeta por edhe 5 fish me i bë qysh po mendon ti 24 orë unë nuk muj. Më fal që po shprehna kështu, babgjyshi jem thojke tuta e ruan bostanin. Unë po ju bëj kallxime penale, unë po shkoj edhe me ta, për atë kam me mbështet atë punë bile së paku mu ba mediatike që përveç lidhjeve ilegale që po i identifikojmë, ti përmenda me shifra që s’ka pasë, kqyre raportin kurr s’ka pasë më shumë edhe kam kallxime penale, kallëximet penale i nënshkruaj unë personalisht edhe nuk ka asnjë tolerim. Le që përpara e ke njoftë Kryeshefin, e ke njoftë menaxherin, e ke pas drejtorin teknik Besarin i ke thënë hiqma kallximin penal. Te unë s’ka, nëse ma gjeni një rast që unë kam toleru, sepse e kam interesin qytetarë me pasë ujë edhe unë mendoj që zgjidhja është e ndëshkimeve, ndëshkimet përveç kallëzimeve penale, është kodi penal se s’jam unë jurist, e parasheh 3 vjet burg mbi keqpërdoruesit. Të nderum, asnjë nuk u denu në Kosovë, jo veç në Prizren, mjafton 1 le ta dënojnë, unë po them jo 3 vjet por 1 muaj le ta dënon. Unë asnjë tolerim nuk po e bëj, unë po kërkoj me shku me të vërtetë sepse këto keqpërdorime duhet me u ndalë sepse ka me 26%, unë humbjet po mundohem maksimalisht me i zvogëlu, thash unë çdo ditë kam shku edhe lagjen Arbana e di, lagjja kah varrezat kurrë s’ka pasur ujë shtypje, mundesh me thanë gjithçka por kurr s’ka pasur shtypje. Mua sivjet më kanë pyet se i kam shok krejt, Fadil çka ke ba që për herë të parë kam ujë atje te varrezat? Kurgjo s’kam bë, vetëm këto lidhjet ilegale po i zvogëloj, po i qoj kallëximet penale, kjo është.

Bajram Kastrati: Te obligimi i projekteve, ndërtimi furnizimit me ujë. Tash kur e kërkoj unë një projekt të caktum, ose e kërkojë qytetarët ose e kërkon vevoja, qeto projekte shpesh herë din Hidroregjioni me thënë komuna duhet me investu ose e kundërta. Kah duhet me u orientu na për ndërtimin e ktyne?

Fadil Berisha: çdo projekt, unë domethënë e kam dërgu e keni në fund të raportit, nuk po du me ju marrë kohë. Çdo projekt na përpara edhe kompania e Hidro-regjionit Jugor, qat tarifë që e ka për për volumetrie 1000 litra 38 cent, unë krejt investimet, unë nuk jap llogari çka ka qenë përpara, unë këtë muaj nga aspekti juridik e dini që kam të drejtë me bë revidimin e planit të biznesit, të gjitha projektet që kanë të bëjnë me uljen e humbjes së ujit, me përmirësimin e furnizimit, unë ju kam thënë duhet me pasë prioritet, që e kam prioritet më falni që po shprehna qe 2 muaj kam mbetë pa makinë s'është me rëndësi, me makinë teme private jam, u dashtë me ble një makinë të re, por unë po them me prioritet këto janë lista edhe kemi bashkëpunim edhe me komunën edhe me, mirëpo projektet me pas prioritet që ka humbje të ujit edhe aty ku ka problem. Këtë muaj, në qet kohë kur po flasim me mjete vetanake Hidro-regjioni jugor, janë tri rrugë në Arbanë tuj u ndërru, hyn kqyre tabelën.

Bajram Kastrati: E di ku janë tuj u ndërru, por a ka me pasë nevojë, ka me pasë.

Fadil Berisha: Apsolutisht ka nevojë sepse po ju them, mos të bana i tepërt, çdo lidhje kur po e gjejmë, me të vërtetë unë kam mendu me i publiku me emra s'po du me thanë qysh ka me shku. Çdo rrugë që po e qelin kanë shpia kah 2 a tri lidhje ilegale mbrena që i kanë, tash nuk mujmë na.

Antigona Bytyqi: Ta ndëgjojme Florentin edhe Naxhijën mandej.

Florent Ukaj: Faleminderit Kryeshef për kë prezantim që na bëtë, tash politikisht po flas, shpresoj që qeveria e Karanfililit ta vazhdoj edhe një mandat sipas këtij raporti që na tregove sot, shpresojmë ta vazhdojë paske me i shpëtu këto fshatrat tjerë sepse ne jemi të lidhur me Radoniqin, paske me na shpëtu se s'ka me pasë nevojë ma për ankesa e për. Unë veç një sen po du shumë, unë çdo seancë qetu ndëgjoj prej bashkëpartiakëve tonë sidomos prej Petritit edhe prej Shukri Qunit, çdo ditë ndëgjoj ankesa që 5-6 fshatra anej nuk kanë furnizim me ujë, ndërsa ti këtu në raport po na tregon se qysh është e furnizume, qysh nuk ki problem! Shkurt e ship po du me e ditë, a ka ujë në Prizren a nuk ka ujë në Prizren?

Fadil Berisha: E dhashë unë po e quaj rezyme të shkurtër se nuk i përmenda kot, nuk i kam dërgu kot kush don me e kuptu.

Florent Ukaj: Për neve ma pak që po kuptojna.

Fadil Berisha: Jo po them kush don, nuk është që s'din me kuptu, e kupton më mirë se unë. Na n'varemi prej stacionit të pompave, jo kot unë i përmenda to pompa, na n'varemi prej rrymës. Nuk është çështje që s'ka ujë kur nalet rryma.

Florent Ukaj: Po a tha kam ble agregat?

Fadil Berisha: është te 40 burimet, unë sa stacione të pompave ti përmenda.

Florent Ukaj: Ndoshta s'jeni për tjerat.

Fadil Berisha: Edhe ato tjerat jemi apsolutisht.

Egzona Hoxhaj: Mandatin tjetër.

Fadin Berisha: Jo mandatin tjetër, ditët e ardhshme, e keni në raport në Sozi 50 mijë euro ka mu vendos gjenerator ditët e ardhshme, e kam shti në procedurë. Por, gjendja unë nuk thash që është e mirë edhe s'kemi probleme, unë vetëm ju tregova që jemi tuj punu maksimalisht me qeto kapacitete që i kemi, na duhet me dhanë kontributin të gjithë bashkë që nuk është çshtja ma veç mu vetëdijësu por për shembull, po flas me kompetencë se ka problemn në krejt Kosovës, por Prizreni ka ujë edhe për 1 Prizren i nderum. A mundet me sustë jo kryeshefi, jo Fadili, por 100 Fadila tjerë me sustë po them, unë i kam identifiku, në bazë të përvojës teme unë e di qysh zgjidhet ky problem, vetëm me i idenfitiku mos me i toleru keqpërdoruesit dhe paralel me investu në projekte që ka të bëjë me humbje të ujit edhe çdo projekt, çdo rrugicë që vendoset, ndërrohet gypi. Është konstatu fatkeqësisht po them që janë dy faktorë kryesorë që në fillim duhet me zgjedhë, një ndëshkimet mos me toleru për keqpërdorues edhe e dyta me funksionu edhe prokuroria, kodi penal e paraqet shumë qartë, 3 vjet shkruan burg për keqpërdoruesit, duhet me denu dikan.

Florent Ukaj: Te humbjet drejtor, ne në fillim të mandatit të kryetarit Totaj, na u ka bë një raport prej dikujt tjetër, s'ke qenë ti edhe aty na u ka paraqitë që 70% ka pasur humbje, tash ti po na thu 73%, nuk tu paskan zvogëlu humbjet por tu paskan rritë sipas të dhënave që i keni dhënë ju në raport.

Fadil Berisha; Jo jo, të dhënat që i jap unë, çka kanë dhënë përpara unë i kam pasur të vitit të kaluar 55% ti i nderum.

Florent Ukaj: Tash mas teje munder me ardhë me thënë, ama po bini në kundërshtim shumë.

Fadin Berisha: Unë jam transparent edhe po tregoj me fakte, këto që po ti jap unë ty çdo gjë është e dokumentume dhe ti dokumentoj, nuk është puna as çshtje politike as me zbukuru situatën. Unë po them qekjo është situata dhe qeto janë aktivitetet që jemi tuj i ndërmarrë.

Antigona Bytyqi: A ke Florent diçka tjetër?

Florent Ukaj: Jo u kry, pastaj edhe në seancë.

Antigona Bytyqi: Naxhija pastaj edhe Bajrami.

Naxhije Memaj: Faleminderit Kryesuese, përshëndetje për të gjithë. unë thujse çdo seancë kam kërkuar që të rregullohet defekti në ujësjellësin e fshatit Llutogllavë. Drejtori thotë vazhdimisht drejtohuni tek Hidroregjioni, por në këtë rast po e hiqni kompetencën e juaj, po thoni nuk kemi kompetencë në fshatin Caparc, Llutogllavë dhe Malësi e Re, nuk është në menaxhimin e juaj. Atëherë kujna duhet na me ju drejtu që për një defekt të vogël fshati Llutogllavë nuk ka ujë me vite! Kjo 1 apo 2 orë është tepër mos me pas ujë, paramendo ma shumë. Kujna duhet na me ju drejtu?

Fadil Berisha: Ju duhet me ju drejtu Hidroregjionit Jugor, shumë në rregull është kujt me ju drejtu. Por unë kur flas nuk e zbukuroj situatën, por për me zgjedh një problem duhet me qenë transparent, me qitë problemin mbi tavolinë edhe mi shku nga aspektet ligjore dhe përgjegjësive, përgjegjësinë e ka Hidroregjioni jugor. Fshati Llutogllavë në bazë të informatave të mia nuk është në menaxhimin tonë sepse, ka pasur investime marramendëse aty nga donatorët, nga komuna, por unë nuk e kam nën menaxhim, unë nuk faturuj, përderisa unë të faturuj dhe ti e paguan qat obligim, unë e mbaj përgjegjësinë. Për atë i përmenda, i kam me emra krejt se i kam marrë informatat. Unë nuk muj me marrë përgjegjësinë se çka ka ndodhë s'po muj me marrë përgjegjësinë, por çka mujmë

me ba. Për këtë arsye zgjidhja është që fshati Llutogllavë me hy nën menaxhimin e KRU Hidroregjionit Jugor, me shiku a duhet me investu, ato investime që kanë qenë fatkeqësisht po them dështun. Kolegën e mi në zyrën për planifikim e kanë ba me zgjidh problemin jo veç me fjalë, është projekti i gatshëm, tash duhet me kqyr për me financu edhe mu kry komplet rrjeti me hy nën menaxhim, me i vendos ujmatat jashtë edhe me i faturu. Tash jo me ardhë banori i Llutogllavës, edhe Korisha duhet me hy nën menaxhim, nuk ka ma privat këtu e jo kur të dodhë problem atëherë. Edhe mu faturu, jo z'du mu faturu, e njëjta ka ndodhë edhe investimet e pa planifikuara edhe nuk kanë përfundu, paret janë dhënë.

Naxhije Memaj: Faturat vijnë, vazhdimisht vijnë aty.

Fadil Berisha: Po unë i kam me emra, qetu e kam raportin se s'po du me hy në detaje.

Naxhije Memaj: Problemi nuk është aty, problemi është që ujë nuk ka fshati.

Fadil Berisha: Ujë fshati, ti po thu vjen fatura, a e din ti që prejse e kanë regjistru, unë po flas gjendjen qysh e kam këtu, 163 euro qe 5 vjet janë inkasu prej Llutogllavës, ti po më thu është tuj u faturu. Atëherë

Naxhije Memaj: Faturat po vijnë, ato pse si paguajnë është tjetër.

Fadil Berisha: Jo jo, unë kam lyp raport zyrtar, nëse më kanë rrejt ata, unë po të them e kam raportin zyrtar dhe ta dërgoj privat ty që në llutogllavë nuk është tuj u faturu, ti po thu po. Malësi e Re po.

Naxhije Memaj: Ato kanë ujë.

Fadil Berisha: Ato po, kanë ujë se po faturohen, po e pagujnë, po faturohen.

Naxhije Memaj: Faturat po vijnë e ato pse se pagujnë është diçka tjetër.

Fadil Berisha: Jo jo, nuk është tuj ardhë fatura fare zonjë, nuk është tuj ardh fare fatura.

Naxhije Memaj: Deri vonë kanë ardhë.

Fadil Berisha: Epo a po e sheh tash, të lutem. Unë po flas për vete, unë po flas për gjendjen teme, çka ka ndodhë. Më fal që po të them tash një kojshi i jemi shkova mysafir, tha s'kam pas ujë as me marrë abdes, i thash më fal ku banon? Në qet rrugë tha, mirë i thash ose unë jam tuj të rrejt ose ti, pa teklif se e njifsha. Burrit plak, ilakës tem i thash ose ti je tuj rrejt ose unë, atëherë tha jo përpara s'kemi pasë. Unë nuk marrë përgjegjësi çka ka qenë përpara, unë po flas gjendja qysh është sot edhe çka muj pastaj përgjegjësia është e jona.

Naxhije Memaj: Gjendja është katastrofë sot.

Fadil Berisha: Gjendja është katastrofë sepse nuk faturohet fare prej Hidroregjionit Jugor.

Bajram Kastrati: Veç një sen po ta them që me rrejt ne nuk rrejnë.

Fadil Berisha: Jo bre kërkush nuk po thotë.

Egzona Hoxhaj: Unë e kam veç një kërkesë shumë të shkurtë. Në seancën e kalume na me lan Shuk e ngritëm këtë çështje për shkak që regjioni i Hasit, konkretisht Nasheci, Tupeci, Gjonaj, Kojushi, Planej, gorozhupi edhe Mazzreku, s'kena pas 5 ditë ujë edhe gjithmonë regjioni i Hasit po neglizhohet te kjo pjesa e informacionit. Kur të keni punime në rrjet ose diçka, a mundeni me na njoftu paraprakisht, me na përgatit, me na njoftu për shkak që.

Kujtim Gashi: Që mu la para vaktit.

Egzona Hoxhaj: Nuk është mu la para vaktit, por na regjioni i Hasit jemi mësu me i mbush ato bogamet e sene sepse deri para 3-4 viteve qashtu kena jetu. Kështu që jena të përgaditun e së paku me na njoftu çka po punohet.

Fadil Berisha: Nuk keni nevojë as me marrë bure, as me marrë bidona as kurgjo sepse regjioni i Hasit 24 orë ka ujë kur s'ka ndërprerje të energjisë elektrike.

Egzona Hoxhaj: Tash pra një agregat na bini qaty kur të na nalet uji.

Fadil Berisha: Gjeneratori zyrtarisht tash është çështje ditësh kur ka mu sjellë. Paralel me këtë jena tuj punu që me këqyr edhe me bë investime në humbje të ujit, edhe me qeto humbje ku knej në Nashec edhe në Kojush 1 dhe Kojush 2, me 26% që e kemi ujin nën kontroll, ju keni 24 orë ujë, pa ndërprerë edhe kjo është gjendja aktuale, nuk ke nevojë as me bajt unë as kurgjo. Unë po flas me fakte, por kur po nalet rryma, unë nuk po pritoj me ju njoftu, por KEDS-i nuk po më njoftoj që kam me ta ndal nesër kam me ta ndal rrymën ai po e ndal të pa planifikum. Unë e kam instaluar edhe gjendjen e thirrjeve edhe nëpërmjet Facebook edhe krejt, edhe unë ju them me i informu konsumatorët për çdo ndërprerje. Unë tash nuk muj se nuk mund të them që e kemi krejt situatën në kontrollë, te qendra e thirrje ka hapësirë gjithmonë me e përmirësu, sepse e kam vëejtë sepse nganjëherë arsyetime po gjejnë gjithmonë. Kam angazhuar staf shtesë që qendra e thirrjeve me funksionu në atë kuptimin sikur në përfundim 24 orë, nuk ka qenë në plan biznes, e kam fut tash me qenë edhe në plan biznes, ka me pas kosto shtesë, normal por unë jam për me i informu qytetarët, nëse ka njoftim të KEDS-it, hyn në ueb-faqen e kompanisë krejt njoftimet i keni zonjë.

Antigona Bytyqi: Ju faleminderit. Tjera pyetje a keni?

Levent Bush: Unë shkurt e kam një pyetje. A jeni i kënaqur me Komunën e Prizrenit në bashkëpunim, shkurt po ose jo?

Fadil Berisha: Unë s'jam i kënaqur as me vetveten kurrë.

Levent Bush: Unë shkurt të pyeta po ose jo? Për politike të bëj pyetje tjetër.

Fadil Berisha: E di që ka pasur edhe më herët bashkëpunim, por unë flas prej ditës së parë që kam ardhë unë jam shumë ithtar i bashkëpunimit me kuvendin komunal të Prizrenit, jo vetëm Prizrenit por edhe Suharekën, Malishevën. Pardon kam pasur takim me kryetarin e Malishevës, ata prej sodit fillojnë inspektimet e përbashkëta, kjo është formë e bashkëpunimit. Edhe investimet, me qenë investimet e përbashkëta mu akordu, se s'qenka Çela këtu, unë i kam thënë çdo investim mu akordu

bashkërisht që qytetarët me pas ujë. Deri më tani unë s'kam kurrfarë vërejtje, unë e kam par se pasojë e moskoordinimit janë do pasoja sot. Por unë jam ithtar që me rritë, me forcu këtë bashkëpunim edhe e shoh një gadishmëri pozitive, spo du me hy tash p.sh. qka ka qenë një problem.

Kujtim Gashi: Te monumenti apo?

Fadil Berisha: Te monumenti p.sh. falë një bashkëpunimi shumë të shpejtë me të gjitha institucionet edhe qendrore edhe lokale kemi arritë, kjo është shenjë që kur të dojmë me bashkëpunu mirë mujna mi zgjidhë problemet më shpejtë.

Antigona Bytyqi: A keni diçka tjetër.

Dafina Alishani: Te pjesa e menaxhimit të mbeturinave dhe energjisë elektrike. Drejtori shkoj, unë po du me repliku edhe me e shprehë shqetësimin tim. Tash unë e di që është një orar edhe e di që është një rregullore. Pjesa e menxhimit të mbeturinave nuk i ka hije as qendrës ashtu me u dok, as lagjet që nuk po mirren me ditë të tëra, e keni mbara këtu, unë banoj aty dhe unë vetë personalisht kam reaguuar. Unë e mbaj mend qekjo parti kur ka qenë Ek-regjioni i bllokum në OSHP, su nal me reagime. Tash po i mbetet hatri që asambleistët ose qytetarët po reagojnë e ky e bile bile s'paskëm na punë tjetër e po shkojmë po hudhim mbeturina e po bëjmë foto, kjo është e palogjikshme! Nuk jena na shizofrena ne me shku qaq ult edhe me i bë këto akte. Ata që i hudhin bërllokin vend e pa vend, pa orare, ju e keni një rregullore vazhdoni edhe i denoni ata, vetëdijësimi bëhet vetëm me dënime. Asnjë asambleist nuk e ka obligim, e ka ndoshta bashkëpunimin me ju informu por nuk muj unë me ba punën e inspektorave. Evidente është që bërlloku nuk po mirret, evidente është që në këtë të nxehtë nuk po kundërmon secila lagje edhe ish dashtë me u marrë me këtë problem e jo me u marrë me statuset e asambleistëve edhe me akuzu që na po trillojmë kësi gjëra. Nuk është e vërtetë që po trillojmë, qe në lagjen time 4 ditë, çdo ditë e nali Ekoregjionin i them pse nuk e merrë këtë? Qashtu, na vijmë masdite, i pret masdite prap nuk vijnë. Ka raste që qytetarët i lëjnë veturat jo mirë edhe nuk mundet me ndërhy kamioni, por jo qdoherë. Nuk është puna ime me e monitoru kush në ora sa po e hudh bëllokun, është dikasteri përkatës. Sa i përket për energjinë elektrike, drejtori tha nuk kemi na mekanizma se si me i thirrë KEDS-in, mua më ka pëlqy idea e Bajramit atëherë edhe prap ndoshta ka ardhë koha me e ripërsëritë. Kur KEDS-i neve na kërkon prona komunale, menjëherë po ja japim me arsyetimin interesi publik, lagjja po mbetet keq. Por, unë mendoj që komuna, kjo emërimi le të mbetet kështu edhe mendoj që qat prononcimin qe e ka pasur atëherë, me pas tash na një prononcim komplet si kuvend edhe me ja u qu një selam që tash e mas mos kërkoni ma prona komunale prej neve se nuk se nuk ju votojmë. Nëse nuk vini me raportu në kuvend, atëherë nuk ka na pse i votojmë, pavarësisht që lagjet mbesin keq, qytetarët janë me rëndësi por le ta kemi, qet forcë e kemi, qet mekanizëm e kemi. Ne atëherë dolëm me reagim, i bënë thirrje KEDS-it, edhe mas 2 muaje na erdh një kërkesë, qetu vetë na lobonin, na thonin mos se po mbetet keq lagjja. Pa qenë na konsistent në qet aspekt, nuk mendoj që KEDS-i ka me qenë serioz. Pastaj, na shumë të interesum me ditë çka ka ndodhë me Shadërvanin? Qaj KEDS që e bllokoj 1 muaj e gjysmë komunën, ish dashtë me ardhë me raportu sepse po flitet për qendrën, zemrën e qytetit. Kështu që, ta shfrytëzojmë qet kuvend dhe ta japim një mesazh krejt grupet, le të mbledhen shefat e grupeve edhe ta bëjnë një lexim, t'ja japim një selam që pasi s'po vijnë, na e lexojmë në kuvend edhe shkresë i qojmë secili asambleist. Qatë që e ke pasur të njëjtën Bajram, e nënshkruajmë edhe ja dërgojmë si kërkesë edhe Prishtinës edhe Prizrenit, është jo serioze.

Antigona Bytyqi: Faleminderit. Atëherë zyrtarit po ja japim fjalën për menaxhimin e mbeturinave.

Muhamet Bajrami: Faleminderit Kryesuese. Unë jam Muhamet Bajrami, Udhëheqës i Sektorit për mjedis dhe Mbeturina. Meqenëse drejtori e bëri një parahrje të menaxhimit të mbeturinave, unë po flas pak sa i përket raportit të përgatitur. Ky raport është i përgjithshëm, raport që përfshin periudhën diku prej vitit prej vitit 2015, prej kohës kur është marrë menaxhimi i mbeturinave nga komuna edhe një historik i shkurtër për zanafillën e krijimit të këtij sektori prej një projekti që e ka pasur “Gjajka” në vitin 2011 deri 2015 kur e ka marrë menaxhimin komuna, kjo është periudhë kur është kriju ky sistem, bazat e krijimit të këtij sistemi për menaxhimin e mbeturinave tuj e pasur parasyshë edhe ndihmën që e ka bërë “Gjajka Japoneze” për 3 vjet si në aspektin e ngritjes së kapaciteteve për menaxhimin e mbeturinave por edhe grantin ndihmës për kompaninë. Kjo paturdhë ka qenë deri në vitin 2015, këtu është një pasqyrë edhe zyrtarëve të sektorit që është udhëheqësi i sektorit, zyrtar për mjedis, zyrtar për menaxhim dhe zyrtar për menaxhim të mbeturinave. Sa i përket stafit, stafi është shumë i vogël për menaxhim të këtij sektori sepse vetë plani 5 vjeçar, plani master kur është bërë planifikimi aty si sektor parashihet që ka qenë dashtë me punu 16 vetë d.m.th. në fillim e pastaj me u rritë numri i tyre. Kemi përfshirë edhe bazën ligjore në bazë të cilës është formu ky sektor, tuj pasur parasyshë ligjin për mbeturina ligjin për mjedis. Sa i përket bazës ligjore, sektori ka pasur planin 5 vjeçar, planin master të cilit i ka skaduar afati vitin e kaluar, për momentin nuk kemi pan 5 vjeçar. E kemi rregulloren për menaxhim të mbeturinave, raporti është kryesisht për menaxhim të mbeturinave d.m.th. nuk ka përmbajtje diçka tjetër. Këtu është një tabelë e të dhënave ku prej vitit 2015 përfshihet numri i amvisërive edhe tash në vitin 2023 tuj u bazu në kontratat e nënshkrume me kompaninë për shërbimin e grumbullimit, transportit dhe deponimit. Këtu shihet në 2015 është 30094 amvisëri, ndërsa në 2023 kontrata është për 33 mijë familje, ky numër është dhënë tuj u bazu në planin master për planifikim të rritjes së cilësisë brenda viteve. Këtu është edhe një historik siç thashë zgjerimi i shërbimit të mbeturinave si ka filluar prej vitit 2015 komuna nuk është mbulu me shërbim komplet, prej vitit 1 janar 2015 është lidhë kontrata me kompani dhe prej atëherë vazhdon kontraktimi i kompanive. Është edhe një tabelë këtu sasia e mbeturinave të deponuara, ky është raport i deponisë i cili është marrë prej tyre edhe inkasimi i mjeteve brenda vitit. Në 2015 nuk është qitë, janë mbledhë 600 mijë d.m.th. ka qenë viti i parë, ndërsa vitet tjera janë 1.000.000-1.100.000, përveç 2021 që kena pasur 1.380.000. euro, kjo shumë e mbledhur nuk mbulon kontratat të cilën e kemi me kompaninë, gjithmonë komuna duhet me dhënë pak më shumë edhe pse sipas rregullores çdo kushtëzim në komunë është me pagesë të mbeturinave, ajo është në fuqi por para 2 viteve ky kushtëzim u anashkalu sepse njerëzit po munden me u furnizu onlline me disa dokumente. Kështu që ai kushtëzim pak ka rënë poshtë por në 2023 edhe tani inkasimi është aty diku, ka rënë pak por inkasimi për afërsisht është i njëjtë. Me këtë po du me thënë që brenda 10 viteve kemi arritur që ndoshta me i ndërgjegjësu qytetarët që duhet pagesat me u bërë edhe pse kemi shumë telashe me pagesa sepse shumë qytetarë nuk paguajnë, kemi numër të madh! Kontrata me Eko-regjionin për shërbim të grumbullimit është sistemi derë më derë, kamioni derë më derë shkon 1 herë në javë në të gjitha fshatrat por edhe në qytet ku kemi banime individuale. Ndërsa 2-5 herë është shërbimi ku kemi banim kolektiv, edhe rruga unazore bëhet shërbimi 5 herë brenda ditës. Nëse bëhet shërbimi brenda rrugës unazore 5 herë, z’don me thënë që ky shërbim bëhet edhe për qytetarë, për ta bëhet 1 herë në javë dhe shpesh herë qytetarët ndoshta e keqkuptojnë, kur kemi banim kolektiv shkojnë 2-3 herë në ditë, unë kam pasur raste që kanë thënë tek na vjen 2 herë në javë, gjë që s’është e vërtetë, shërbimi bëhet 2-3 herë kur kemi banim kolektiv. Shpesh është bërë pyetje se kush i monitoron këto, përgjigja u kanë gjithmonë se qytetarët janë gjithmonë monitoruesit më të mirë, mbikëqyrësit ma të mirë sepse ata njëherë mos me u bërë shërbimi kanë me thirrë, e këtyre thirrjeve

këta e kanë numrin e komunës, janë shumë të rralla dhe gjithmonë unë dyshoj tek ato thirrje sepse ose është vonuar me i qitë ose ka qitë mbeturinat një sasi të mbeturinave që nuk e marrin ata sepse mbeturinat inerte nuk merren. Sa i përket pikave në të zeze-pikave ilegale, shërbimi bëhet i rregullt dhe se besoj që ka nevojë me u bë ato pika do të thotë këto pika janë kryesisht të mbetjeve intere edhe në periferi të qytetit nëpër fshatra, edhe mbeturinat kur përzihen me mbetjet e materialeve ndërtimore ato krijojnë përshtypje që ka mbetje edhe të kuzhinës por që nuk. Sektori çdo vit bënë raportim në ministri deri më 31 mars, domethënë ky është obligim. Në fund është një tabelë dhe është një gabim te numri i ekonomive familjare ka mbetë vetëm një 3-sh, aty është 33.124 në bazë të kontratës që është nënshkruar me kompaninë, raportet që bëhen, bëhen tuj u bazu në regjistrimin e popullsisë të vitit 2011, domethënë kemi 177.731.000 është numri i ekonomive familjare, është numri i bizneseve të cilin e marrim prej kompanisë e cila është e planifikume për shërbim. Sasia e mbeturinave të deponuara është diku 50.000.00 ton brenda vitit, të deponuara, të gjeneruara munden me kanë ma shumë diçka ku ka raste hudhen edhe ilegalisht, mundem me kanë diku 136 ton për ditë si mesatare. Mesatarja e sasisë së mbeturinave të gjeneruara për kokë banori në Kosovë është diku 07-1 kg, domethënë këtu sipas të dhënave po na del 0.75 kg për kokë banori.

Antigona Bytyqi: A i lëmë detajet në seancë.

Bajram Kastrati: Detajet më mirë në seancë.

Muhamet Bajrami: Veç geto të fundit thash ta spjegoj, por në rregull. Qekjo ke një prezentim i shkurtër për sa i përket sektorit, shërbimi bëhet.

Antigona Bytyqi: Faleminderit, meqë jeni edhe në kuvend. A kemi ndonjë pyetje të anëtarëve?

Dafina Alishani: Qysh veç pak. Shërbimi nuk po bëhet, tash edhe unë jam qytetare. Ju po thuani monitoruesit më të mirë janë qytetarët, shërbimi nuk po bëhet. A muj me pas një numër të telefonit apo ku mu orientu si qytetare, jo si asambleiste?

Muhamet Bajrami: Si qytetare, fatura çdo muaj shpërndahet tek çdo familje, aty është edhe numri kontaktues edhe gjithmonë qytetarët thirrin në qat numër kontaktues.

Dafina Alishani: E a kena të drejtë na me u anku kur nuk bëhet shërbimi apo ju e ekni të pjekun në tru që po bëhet shërbimi edhe nuk ka nevojë me pasë?

Muhamet Bajrami: Sigurisht që ki të drejtë nëse nuk bëhet, atëherë për çka kemi lidhë na kontratë me kompanin? për shërbim.

Dafina Alishani: A mundeni me u marrë me qeto punë?

Muhamet Bajrami: Po, neve nuk na ka ardhë naj ankesë që su bë naj shërbim rregullisht. Në qoftëse shihet një thes me mbeturina z'don me thënë që nuk bëhet shërbimi. Për mua është problem nëse nuk bëhet shërbimi kur e ka çdo ditë nuk shkon, e ka 1 herë në javë, nuk shkon, për mua është qasj shqetësim. Në qoftëse vonohet ai me i qitë ose në qoftëse i qet në mbrëmje edhe shkojnë qentë e shkapërderdhin ajo është pak edhe përgjegjësi e qytetarëve.

Karanfil Haxhillari: Zotëri Bajrami a po bëhemi transparent?

Muhamet Bajrami: Po urdhëro.

Karanfil Haxhillari: Po du me fillu debatin me një pyetje. Sa borgj ja keni Eko-regjionit?

Muhamet Bajrami: Eko-regjionit?

Karanfil Haxhillari: Po

Karanfil Haxhillari: Kush?

Dafina Alishani: Komuna.

Muhamet Bajrami: Për komunën s'muj me fol, muj me folë për sektorin tem.

Karanfil Haxhillari: Ju jeni ndërmjetësit, sektori i Menaxhimit të Mbeturinave është domethënë ndërmjetësi që është në mes të ndërmarrjes që sot i ka projektet për pastrim, grumbullim mirëmbajtje e të gjitha projektet edhe komunës.

Muhamet Bajrami: Fakturat e 2 muajve të fundit janë pa paguar.

Karanfil Hashillari: Një vlerë, vlerën? 600 mijë euro?

Muhamet Bajrami: Jo, 532. 400....

Karanfil Haxhillari: E nisa prej ktuhit për arsye se më herët nuk ka pasur kështu problem, është bërë edhe pastrimi i pikave ilegale edhe grumbullimi i regullt. Por në momentin kur komuna ndërmarrjes kontraktuese nuk ja jep paret dhe ndërmarrja mbetet pa naftë, ajo nuk mundet me dalë me ti mbledhë bërlllogun. Të folim haptas tash, media s'kemi qetu, po flasim hapur. Unë kam qenë në Komisionin Komunal të Aksionarëve të Eko-regjionit dhe e di si funksionon. Në momentin kur komuna i detyrohet ndërmarrjes ajo pa naftë s'ka qysh del me ta mbedh bërlllogun pavarësisht që detyrohet. Prandaj që të jemi korrekt, edhe ju në ndërmarrje edhe ndërmarrja me qytetarin në këtë rast, pagujani borgjin që të ketë naftë që të dalin ta mbledhin bërlllogun. Mos na akuzoni neve në këtë rast qysh na akuzoi drejtori që po dalim me postime! Po dalim me postime sepse temperaturat 45* celcius dhe ato jane edhe burim infeksioni përveçse papastërti dhe erë. Në këtë rast të bëhemi korrekt, ndërmarrja punën deri tash e ka bërë domethënë qe 1 muajin e fundit është kjo neglizhencë, por edhe arsyetimi i ndërmarrjes është kjo. Prandaj, obligimi juaj në këtë rast në takim me kryetarin, ta pagujnë borgjin që të ketë ndërmarrja naftë dhe të dalë ta kryej punën e vetë duke mos bërë bishta të asnjë debati dhe të jemi transparent. Fatmirësisht Prizreni e ka një ndërmarrje të mirë të grumbullimit të mbeturinave dhe mirëmbajtjes së rrugëve si verore si dimërore. Por, ama edhe ju duhet të jeni korrekt me këtë ndërmarrje në këtë rast sepse fatmirësisht nuk e kemi tash një situatë qysh ka qenë më herët që e kam përjetuar unë por është shumë më e mirë brenda strukturalizimit dhe funksionimit të ndërmarrjes së Eko-regjionit. Por të jemi real, po mblidhen ato mbeturina, mos ti fajësojmë qytetarët, qytetari është mësu tan kohën në qat orar me i qitë qat pjesën me bërlllog qaty, e tash që është faji i tjetërkujt që s'ka naftë me e mbledhë qatë, nuk ka faj qytetari sepse ai tan jetën e ka gjujtë qat pjesën e bërlllokut në qat pjesën e caktume, s'di sa jam i qartë.

Muhamet Bajrami: Unë jam edhe mbikëqyrës i zhvillimit të punimeve, deri tash nuk kam marrë naj ankesë që su bërë shërbimi për një kohë të gjatë.

Karanfil Haxhillari: Po shihen bre Muhamet grumbujt me bëlloke.

Muhamet Bajrami: Mirë de, kjo ka fillu qet javë! Unë e kam bërë raportin për 15 vjet. Nëse është lyp një raport për qet periudhë kohore është diçka tjetër. Drejtori mundet me dhënë përgjigje për këtë gjë, për shërbim unë them dhe i rri mbas asaj që po bëhet.

Antigona Bytyqi: Ta ndëgjojmë Florentin.

Florent Ukaj: Edhe unë pak a shumë deshta me u ndërlidhë Filin por edhe me ju kundërpërgjigj drejtorit që ke që akuzoj që po i hudhim na që po postojmë se edhe na LDK-ja e kemi bërë një reagim. A ka ndërmarrë inspektoriatin naj veprim ndaj atyre përderisa po i dijka drejtori kush i ka hudhë mbeturinat si në sheshin shadërvan si kudokoftë? Pyetje a parë është kjo. Pyetja e dytë, sipas informatave që i kam unë prej punëtorëve të Eko-regjionit ti po thu që në unazën e qytetit bëhet 2-5 herë brenda ditës! Edhe unë pajtohem me Filin që muajin e fundit vetëm 1 herë unaza e qytetit është tuj u pastru, arsyet po besoj që i shpjegoj edhe Fili. Edhe e treta, deshta me të pyet përgjegjësi e kujt është mirëmbajtja rreth lumenjëve që janë në Komunën e Prizrenit? Ti e din besoj sepse sidomos në fshatin tonë ku jetoj është një kundërmim i madh aty. A kemi naj kompetencë që mujna mi pastru ose me na.

Muhamet Bajrami: Aty duhet me naj kontratë kështu të veçantë, nuk ka mirëmbajtje të rregullt të brigjeve. Sa i përket pyetjes së parë, unë thash që janë inspektorat me i dënu jo na, na jemi për shërbim, kërkesa duhet me ju drejtu atyre sepse ajo janë për me dhënë dënim e jo unë. Unë mundem me dhënë përgjegjësi nëse nuk e merr dikush.

Florent Ukaj: Ty tash po të thojmë në emër të drejtorit, se drejtori na akuzoj neve që po i gjumë bërlloget edhe po shkojmë po bëjmë foto!

Muhamet Bajrami: Për fat të keq nuk kam Facebook me i pa fotografitë, duhet ku janë, ku po bahet.

Florent Ukaj: Qajo në shatërvan është shëmti, hajde tjera po i nxajmë qe lena fajin neve por qajo e shatërvanit nuk besoj që merr guximin një asambleist ose një partiak me shku në shatërvan me hudh, këto tjera hajde po e nxëmë që i kemi gjujtë na por qajo në shatërvan!

Muhamet Bajrami: Jo ju, por dikush i gjuan.

Florent Ukaj: Qate deshta me pyet, nuk po them që nuk ka, qatë dashta me vetë drejtorin a ka ndërmarrë inspektoriatin diçka? Besoj që e dinë ato se i kujt është ai bërllog.

Muhamet Bajrami: Ndoshta e din, ai mban përgjegjësi për atë.

Antigona Bytyqi: Bajrami e ka kërku fjalën.

Bajram Kastrati: Po, faleminderit. Sa i përket unazës i nderuari zotëri Bajrami është e vërtetë sepse unë e kam edhe biznesin-lokalin në unazë edhe ndodh që jo veç njëherë, por ndodh që brenda ditës asnjëherë mos me ardhë! Është shumë e vërtetë që nuk e marrin bëllogun edhe pse

bajagi e qesim te rruga, sidomos qet kohën e fundit, më herët janë kanë më mirë, tash kohën e fundit.

Muhamet Bajrami: Duhet me e specifiku.

Bajram Kastrati: Sa i përket kësaj kositjes në trotuar e kujt është?

Muhamet Bajrami: Mirë de është, por tash ky raporti është për menaxhimin e mbeturinave dhe mirëmbajtje.

Bajram Kastrati: A është edhe ajo mbeturinë, se edhe ajo mbeturinë po bëhet në rrugë. Kush e menaxhon?

Muhamet Bajrami: Bari a?

Bajram Kastrati: Po de qaj bari, qat bërlllogun që e mbledhin, ai kur po vjen me kositë po e mmbledhin komplet bërlllogun, tash është bë bajagi i madh nëpër lagje, flas për Arbanë edhe nuk vijnë me kositë edhe krahas asaj këtë bërlllogun që e mbledhshin anën tjetër, as atë nuk vjen me mbledhë kërkush! E ka si pa orar, me ditë bile që vjen 1 herë në javë ose 1 herë në dy javë, qysh e kanë të rregullune këtë çshtje?

Muhamet Bajrami: Thash unë jam për menaxhimin e mbeturinave, por sa i përket mirëmbajtjes ata e kanë kontratën edhe vendet cilat kanë me i mirëmbajtë, s'don me thënë tash që krejt qyteti duhet me shku e me u kositë, ndërsa koha edhe në kontratë shkruan brenda muajit por s'po më kujtohet sa është e qysh është mirëmbajtja e rregullt, nuk domethënë me caktu p.sh. datën 15 por mirëmbajtje e rregullt që nënkupton që normal që duhet me u kositër por vendet e kontraktume.

Bajram Kastrati: Atëherë më mirë po u duka na mu drejtu tek Eko-regjioni për me marrë një informatë pak më të saktë kur vinë e qysh vijnë sepse ajo u ba keq.

Egzona Hoxhaj: Kryesuese unë veç deshta me i falënderu sepse tek ne në regjionin e Hasit mbeturinat mirren 1 herë në javë, janë shumë të rregullta edhe çdo herë është e njëjta ditë edhe nuk ndërrohet orari, si kur kemi kërkesa për mu ba kositja e barit, pastrimi i varrezave, gjithmonë janë në gatishmëri edhe kjo është një diçka që po doket edhe po duartrokitet edhe prej banorëve sepse sinqerisht kurrë ma pastër se gjatë kësaj kohe s'kena qenë.

Muhamet Bajrami: Egzona edhe unë sinqerisht po të them ankesat i kemi menjëherë prej qytetarëve, ankesat i kemi shumë të rralla edhe po them pa arsye.

Dafina Alishani: Qysh bre pa arsye, s'jeni ju me vlerësu me arsye apo pa arsye. Ju jeni me mbikëqyr sektorin e mjedisit edhe menaxhimin e mbeturinave. Është arrogancë me thënë pa arsye, nëse qytetari e ka një ankesë ju duheni me marrë parasyshtë, nuk jeni ju me e vlerësu a ka arsyeshmëri a jo.

Muhamet Bajrami: Po ta demostroj me një shembull. Erdhi njëri tha nuk ma kanë marrë barin që e kam kositë.

Dafina Alishani: Leni Barin, qe bërlllogun, a don me shku mas KPF-së me të kallxu.

Muhamet Bajrami: E thirra kompaninë se pse se ke marrë, aty kish pasë 20 thasë edhe inerte.

Bajram Kastrati: Ka edhe asi, por s' do të thotë që krejt është qashtu.

Muhamet Bajrami: Po, por edhe në anë tjetër nuk është krejt qashtu.

Dafina Alishani: Pa arsye, nuk jeni ju për me e vlerësu arsyeshmërinë e ankesës, gabim është kjo qasje.

Muhamet Bajraqmi: Ankesa po bëhet te unë, edhe gjithmonë unë e kam qu kompaninë me reagu edhe ka qenë për vonesë ose.

Antigona Bytyqi: A e përfunduat ta qesim në votim.

Dafina Alishani: çka ki me qit në votim kur po lun hajgare, hajgare po lun, s'ka arsye thotë.

Bajram Kastrati: qe unë po të flas me fakte. Kraas kësaj krejt e ki pa pastru, rrugës kryesore është.

Muhamet Bajrami: Bajram nashta aty se kanë hiç me shku, duhet me këqyr kontratën.

Bajram Kastrati: E ka kontratën, janë kanë më herët por tash s'po vijnë.

Antigona Bytyqi: Pikën e 6-të po e hedhi në votim që t'i rekomandohet mbledhjes. Kush është për? Unanimisht, ju faleminderit. Kalojmë te pika e shtatë.

Pika e shtatë:

Raporti financiar janar - qershor 2024;

Antigona Bytyqi: Fjala për juve Gjafer.

Gjafer Ponik: Faleminderit Kryesuese, përshëndetje për të gjithë. Unë raportin financiar po e prezantoj vetëm në pika të trasha, e keni drejtori në seancë për më në detaje. Vetëm deshta me cekë që buxhetin për vitin 2024 e kemi 67.822.000.00, shpenzimi shpenzimi deri më 30 qershor është 30.339.000.00, kurse kurse me përqindje është 74.73%.

Dafina Alishani: Veç një pyetje e kam. Pse po vonohen pagesat si në subvencione si te pjesa e nënave lehona. A s'keni mjete a çka është problemi?

Gjafer Ponik: Problemi është që të hyrat vetanake kanë qenë pak më të vogla edhe subvencioni shkon përmes të hyrave vetanake. Një pjesë është lëshuar në qershor edhe një pjesë tash është përgatit për me shku për Prishtinë, për lehonat po flas, domethënë është nënshkru të premtën nga kryetari, lista është përcjellë në Prishtinë sepse atje ekzekutohen pagesat për lehonat. Mirëpo pjesa tjetër domethënë gradualisht qysh po ka të hyra ashtu po lëshohen mjetet.

Dafina Alishani: DKRS-ja, Drejtoria e Zhvillimit?

Gjafer Ponik: Ato nuk e di, unë po foli për lehonat sepse kam qenë kryetar i komisionit edhe.

Dafina Alishani: Te subvencionet?

Gjafer Ponik: Aty ka mungesë të mjeteve. Janë të hyrat e vogla edhe janë lëshuar një pjesë për lehonat dhe një pjesë për DKRS-në.

Dafina Alishani: Edhe pse s'po jepni qasje në dokumente?

Gjafer Ponik: Nuk e di për qasje në dokumente, çka i përket Drejtorisë së Financave çka ka ardhë deri tash na e kemi dhënë nëse është aprovuar nga zyra e informimit.

Dafina Alishani: E për bursa?

Gjafer Ponik: Për bursa pritet këtë javë me u publiku lista, e për pagesë nuk muj me garantu kurgjo hiç se ka mungesë.

Antigona Bytyqi: Faleminderit. A ka dikush tjetër diçka? Prezent jemi 7 anëtarë, kush është për që ti rekomandohet mbledhjes? Unanimisht, ju faleminderit. Kalojmë te pika e tetë.

Pika e tetë:

Informatë rreth përfundimit të vitit shkollor;

Antigona Bytyqi: Drejtoreshë fjala për juve, veç tu kisha lutë sa më shkurtë.

Luljeta Veselaj Gutaj: Ju faleminderit Kryesuese. Unë veç një informatë që është shumë e rëndësishme, këtë vit Prizreni, ka ba dallimin më të lartë te kalueshmëria e testit të maturës, ka rritje diku afër 10% nga vitet e kalume dhe ky është një sukses i përbashkët i të gjithë akterëve. Përndryshe sa i përket raportit i keni të përshkrum, jo në detaje sepse ka edhe shumë punë tjera që janë bë, por një përmbledhje e punëve që janë bë. Çkado që keni pyetje unë jam këtu mu përgjigj.

Karanfil Haxhillari: A është e vërtetë që shumë nga drejtorat nëpër shkolla kanë bë thirrje që nxënësit të kopjojnë më shumë për testin e kalueshmërisë sepse nëpër disa informata që i kemi pasë, gjithandej janë, nuk kam se janë rritë fëmijet unë se di.

Luljeta Veselaj Gutaj: Në arrtshmëri po thua apo ku?

Karanfil Haxhillari: Ne maturë. Një, edhe e dyta po du me potencu përsëri këtë punën e këtij rastit në shkollën Ekrem rexha në Lubizhdë. Me të vërtetë drejtoreshë, Komisioni Disiplinor me përjashtu prej pune një sinjalizues është e tmerrshme për gjithë atë ngjarje që ka ndodhë edhe që të gjithë jemi të informuar. Kjo është në të gjitha variantet një e padrejtë edhe pse se njoh atë njeri edhe pse nuk kam ndonjë informacion sepse më së paku jam marrë me këtë çështje. Por, definitivisht në qoftëse vetëm një logjik të thjeshtë e përdorim e shohim që të përjashtohet me një vendim të Komisionit Disiplinor një sinjalizues për një ngacmim që ka ndodhë dhe të amnistohet ngacmuesi, ose së paku të dytë ti kishit përjashtuar! S'po kapet edhe është një kafshatë e pa gëlltitshme sepse me këtë a e din çka ndodhë të nesërmen? Me këtë ndodhë që të gjithë të cilët vërejnë ndonjë ngacmim tjetër, ata e kanë parasyshë që ndoshta do të përjashtohet sikur ky, do ta

kenë e këtij. Pra, kjo është një bllokim në avancimin e vetëdijësimit edhe ndalimit të fenomeneve negative në shkolla! Fenomenet negative nëpër shkolla duhet ti ndalojmë të gjitha format dhe duhet të kemi sa më shumë sinjalizues nëpër shkolla që të ndërhyjnë në ato gjëra negative në mënyrë që ta kemi një siguri shumë ma të madhe nëpër këto shkolla. Por, vendimi i Komisionit Disiplinor, kur e kam kuptu që nëpunësi përjashtohet nga puna ka qenë një tronditje e rëndë, sinjalizues, kurse ngacmuesi amnistohet!

Luljeta Veselaj Gutaj: Njëherë a ti marrë apo të përgjigjem menjëherë? Po përgjigjem. Sa i përket thirrjes që thatë drejtorët kanë bërë thirrje për kopjim, të paktën unë për herë të parë po e ndëgjoj këtu! Përkundrazi i kemi bërë thirrje për vëmendje edhe për përqëndrim në test. Kanë bërë përgatitje paraprake me ditë tana nëpër shkolla në lidhje me ushtrimet e detyrave, kështu di unë pyetjeve çka mund të jenë temat të cilat trajtohen në test. E kam përcjellë me vëmendje procesin e maturës, ka pasur një sfidë në lidhje me aplikimin në e-kosova por janë ndihmu, kanë asistuar shkollat me kujdestarët të klasave dhe ju ka shku mirë procesi. Poashtu, për dallim nga herët e kalimeve asnjë nxënës të një klase nuk kanë qenë bashkë domethënë ka qenë një kombinim krejt ndryshe që jo të klasës por as të shkollës ndoshta nuk i kanë pasur brenda klasës, krejt varësisht nga aplikimet që i kanë pasur në e-kosova dhe monitorimi brenda sa e kemi parë nga zyrtarët e ministrisë, nga administruesit që kanë ardhur nga komunat tjera, por përveç tyre ka pasur edhe student që e kanë monitoruar këtë proces. Shumë mirë që kanë qenë studentë por ka qenë një proces i parregullt me student sepse s'kanë pasur kartelë identiteti sepse ministria është dashtë me ja u bërë nga një bexh edhe me thënë që është në cilësinë e vëzhguesit-monitoruesit. Por. Kanë qenë të pranishëm dhe janë kombinu brenda shkollave dhe si proces nuk ka pasur asnjë vërejtje për Prizrenin. Sa i përket pyetjes së dytë, janë vendimet e Komisionit Disiplinor, shpesh jam e pakënaqur me vendime që marrim unë në cilësinë e drejtueses nëse kam inicuar sepse kam pasur edhe raste tjera që kemi inicuar në Komision Disiplinor dhe kam pranuar vendime ku unë kam mendu ndryshe, por ndryshe ka ardhur vendimi dhe ne jemi të obliguar me i respektu vendimet të cilat na vijnë qoftë prej gjykatës, Komisionit Disiplinor ose tjerëve që na obligojnë.

Dafina Alishani: Me ligj sinjalizuesit mbrohen.

Luljeta Veselaj Gutaj: I kërkon të drejtat e veta, me sa e di unë janë edhe në gjykatë ato. Unë p.sh. Dafina e kam kthyer në punë ose kam lidhë kontratë me mësimdhënësen për 2020 apo 2019, ju ka bërë e padrejtë, ka vazhduar me procese të gjykatës dhe e ka fitu në gjykatë rastin dhe filanja ka ardhë e ka lidhë kontratën se gjykata i ka thënë kështu se qetij personi ju ka bërë e padrejtë dhe të gjitha provat dhe argumentet flasin në të drejtën e saj apo të tij dhe vazhdon procedura. Janë vendime të cilat na obligohemi me i respektu.

Dafina Alishani: Po veç herën e parë kur është ngritë si shqetësim puna e ngacmimit, ju vetë keni deklaruar dhe keni thënë që pa i kry punët policia edhe gjykata ne nuk kemi çka mirremi me atë punë edhe nuk kemi çka marrim vendim.

Luljeta Veselaj Gutaj: Pa të dal një vendim final, neve na ka ardhë një vendim, kanë thënë ki me respektu qet vendim.

Dafina Alishani: Po para kësaj ju vetë jeni deklaruar, na vetë 1% ju kemi ftuar juve me marrë hapa konkrete.

Luljeta Veselaj Gutaj: E vërtetë. Komisioni Disiplinorë kërkon argumente edhe prej policisë edhe prej të gjithë akterëve të cilët kanë marrë pjesë sepse policia kanë qenë të pranishëm në shkollë. Nuk kanë mundur me nxjerrë një vendim pa i pasur argumentet për me dalë, për me u qitë prej pune.

Dafina Alishani: A është përfundu procesi në polici e gjykatë?

Luljeta Veselaj Gutaj: Nuk e di për atë proces sepse ata e kanë qu njëri tjetrin në gjykatë. Policia e bënë raportin dhe ja dorëzon Komisionit Disiplinor. Komisioni Disiplinor mbi bazën e të gjeturave që i ka pasur, e ka nxjerrë një vendim, ata kanë të drejtë ankese në gjykatë dhe në instanca tjera. Nëse vjen një vendim tjetër, prap po them ndryshe është situata kur.

Karanfil Haxhillari: Po bre drejtoreshë, por a ta jep ty me kuptu që, hajde po dalim po e shoh një ngjarje dhe logjika menjëherë më qon se në qoftëse unë e lajmëroj një feonomen negativ përjashtohem sikur ai zotnia atje prej punës. Efekti është një feket tepër i dëmshëm për vetëdijësimin dhe për të ardhmen.

Dafina Alishani: E këtu ju keni përgjegjësi, jo Komisioni.

Luljeta Veselaj Gutaj: Qysh na.

Dafina Alishani: Po de, po komisioni nuk mundet me dalë mbi DKA-në edhe këtu po shkelet e drejta e një fëmisë, po shkelet e drejta e një mësimdhënësi edhe DKA-ja po heshtë! Pse? Sepse Komisioni paska marrë vendim por nuk e di as qysh e ka marrë atë vendim, a është qashtu? Tash nesër, masnesër një ngacmim tjetër, a jeni marrë me qat ngacmim a jo?

Luljeta Veselaj Gutaj: Na nuk kemi hesht hiç sepse na e kemi delegu, është një komision në kuadër të komunës që në fakt i mbledh të gjitha provat.

Dafina Alishani: Kush e ka kthy drejtoreshën në vend pune?

Luljeta Veselaj Gutaj: E ka kthy Komisioni Disiplinor se ka marrë vendim, e ka vendimin që ju ka dhënë edhe një masë ndëshkimore për komunikimin që e ka pasë. Mbi bazën e të gjeturave dhe provave e ka nxjerrë një vendim edhe Komisioni menoj që nuk guxon me nxjerrë një vendim, e ka qat guxim i cili nuk ka fakte dhe prova për me nxjerrë një vendim.

Dafina Alishani: Ose ngacmimi te shkolla Abdyl Frashëri, çka ka ndodhë me atë person?

Luljeta Veselaj Gutaj: U largu prej punës.

Dafina Alishani: U largu prej punës. Kush e ka marrë arë vendim?

Luljeta Veselaj Gutaj: Komisioni Disiplinor.

Dafina Alishani: E ju s'jeni marrë hiç?

Luljeta Veselaj Gutaj: Ata, na menjëherë e kemi inicu në Komision Disiplinor mbi bazën e fakteve ka vendim për largim nga puna edhe ai po vazhdon me proces gjyqsorë.

Dafina Alishani: A mundemi na me pas qasje te Komisioni Disiplinor se në çfarë baza apo çfarë dokumente prej policisë ata kanë marrë?

Luljeta Veselaj Gutaj: Është në kuadër të komunës te Zyra e Burimeve Njerëzore. Ju mundeni me kërku qasje, ndoshta keni të drejtë nuk e di sa keni të drejtë, tek ajo pjesë nuk e di.

Antigona Bytyqi: Ju faleminderit. Dikush tjetër a ka diçka me shtuar? Po urdhëro Naxhije.

Naxhije Memaj: Na jemi të gjithë dëshmitarë të problemeve të vazhdueshme në arsim. Edhe unë pajtohem plotësisht me parafolësit.

Luljeta Veselaj Gutaj: N'varet çka quan problem?

Naxhije Memaj: Tuj fillu prej kopjimeve, ngacmimeve, të gjitha këto janë alarmante në arsim këto gjëra. Por sidoqoftë unë po mendoj që kjo pikë e rendit të ditës duhet me ju dërgu kuvendit dhe aty do ti paraqesim problemet dhe shqetësimet që i kemi. Është një temë shumë e rëndë që shumë mund të diskutohet aty.

Antigona Bytyqi: Faleminderit, dikush tjetër a ka? Në qoftëse jo po e hedhim në votim. Prezent jemi 7 anëtarë, kush është për që ti rekomandohet mbledhjes së kuvendit? Unanimisht, ju faleminderit. Kalojmë te pika e nëntë.

Pika e nëntë:

Raporti i Këshillit për Trashëgimi Kulturore të Qendrës Historike të Prizrenit për periudhën gusht 2023- qershor 2024.

Antigona Bytyqi: Veron fjala për juve.

Veron Tara: Përshëndetje të gjithëve, jam Veroni, Kryesues i Këshillit për Trashëgimi Kulturore të Qendrës Historike të Prizrenit, një institucion që krijohet prej ligjit të veçantë për qendrën historike. Për ata që nuk e dinë, Prizreni e ka një qendër historike që është formuar me ligj, që I ka 42 hektarë, se shumë shpesh jemi tuj e harru qet informacion, plus e ka edhe një zonë të dytë të mbrojtur që është votuar tashmë në ministri e që I ka sa 3 herë zona e qendrës historike. Është një institucion që gjithmonë anashkalohet si prej nivelit qendror si prej nivelit lokal, shumica e drejtorive e shohin këtë institucion si pengesë për realizimin e projekteve të tyre e jo si ndihmesë për me arrit me pas një produkt apo një shërbim sa më të mire Brenda qendrës historike. Zyrtaari për mbeturina shkoj, kam pasur me bë një diskutim apo një pyetje që. Deshta një replikë Karanfilit me ja bë, ok qytetari është mësuar me lënë bërlllokun aty, nuk mundesh me e lënë hala me u mësuar që me e lënë midis shatërvanit, midis monumentit hala bërlllokun.

Karanfil Haxhillari: Në qoftëse nuk ka kanta aty?

Veron Tara: Jo jo, e ki Ligjin për Qendrën Historike i cili thotë që nuk guxon me pas kanta brenda qendrës historike, pikë, e mban bërlllokun në shtëpi dhe kur të vjen kamioni, ja qet kamionit. Unë tash e 6 vite shkruaj reagim që duhet me u hjek të gjitha kantat e bërlllokut jashtë monumenteve. Te Xhamia e Sinan Pashës, jo marre por ma se di çka është aty, te Bajraklia qashtu e ki, te Namazxhahu. Gjethkah i ki, po flas për xhamia por kjo vlen edhe për krejt monumentet tjera. Pse

po flas Brenda qendrës historike? Sepse komplet qendra historike konsiderohet monument, me ligjin e veçantë, me ligjin e zonave të veçanta, me ligjin e trashëgimisë kulturore. Janë 3 ligje që ta determinojnë që e ki zonë të veçantë dhe trajtohet si monument ansambël. Tash unë sun tham mos qitni shporta hiç sepse është e pamundur ti me I thënë mos qit shporta, por jo vende të grumbullimit të mbeturinave. Menaxhimi që këta e bëjnë, është menaxhimi që është bë para 150-200 vjetëve, qe ky menaxhim, ky menaxhim nuk vlen. Në ligj kërkohet që komuna me bë plan të menaxhimit në bashkëpunim me Qendrën Rajonale për Trashëgimi Kulturore dhe Këshillin e Trashëgimisë Kulturore. Unë tash e 5 vite kurrë s'kam marrë asnjë kërkesë prej DSHP-së, që me ardhë me thënë hajde tregonani se ku mundemi me i vendosë qeto vendgrumbullime për mbeturina, që është mëse e nevojshme. Te Sinan Pasha, shumica e restauranteve hedhim mbeturina të kuzhinës që i vjen shumë era e rëndë sepse është pika e verës na po e dimë. Por, qysh mujnë me hudhë edhe mbeturina tjera? Unë aty kam pa kauqa, jogi, kam pa dollapa, frigorifera. Qysh mundesh me thane ti mbeturinat vëllimore veç njëherë mblidhen, s'ka logjikë! Inspektoriati është në gjum, po shpresoj që seancën e kalume, se është bë 1 vit që s'na keni thirrë, po shpresoj që seancën e ardhshme ka me qenë edhe rejtori i inspektoriateve sepse herën e kalume ja nisi tuj më bërtit dhe tuj um quajtë rrenc për senet që po i djeg kryesisht! Edhe me pasë një diskutim ma të hapur sepse asnjë përgjigje asnjëherë nuk marrë unë prej inspektoriatit, asnjëherë edhe pse gati muj me thënë çdo javë na e kontaktojmë edhe I dërgojmë shkresa por që asnjëherë nuk kemi përgjigje! Puna për ndaljen që nuk ka ndërtime pa leje është 99.9% gënjeshtër, se unë jam çdo ditë në rrugë edhe shoh çdo ditë tejkalime ose ndërtime pa leje edhe në aspekt komuna kur investon edhe në aspekt kur investitorët privat, domethënë 99.9% të rasteve. Unë muj me ju dhënë të gjitha rekomandimet, të gjitha lejet që janë leshu nga komuna e Prizrenit, dilni në teren edhe i verifikoni se a janë të njëjta me projektin që e kanë dorëzuar. Edhe të gjitha lejet tjera shkoni lypjani intervenimet në fasada, në kulma, në kate gjithçka në dysheme, krejt janë pa leje. Këto domethënë unë i kam të verifikume, i kam me parcela, me fotografi e me krejt. S'po du me u ndal shumë sepse ashtu, ashtu kam me e lexuar raportin në asamble, po shpresoj që e keni lexuar dhe nëse keni naj pyetje. Por, nuk është hiç gjendja e mirë brenda qendrës historike, hiç aspak e mirë, çdo vit e më shumë po bëhemi keq e ma keq. Nëse ndalemi nga aspekti i ruajtjes së trashëgimisë sepse gjithmonë thirremi në aspekt të historisë, kulturës dhe trashëgimisë, ajo ma nuk vlen. Prizreni e ka hup vlerën e trashëgimisë kulturore sepse çdo ditë Komuna e Prizrenit lëshon leje për rregullimin e objekteve të vjetra apo objekteve që komuna bëhet në këtë rast vlerësuese e trashëgimisë kulturore që nuk ka të drejtë edhe jep leje rrënimin e monumenteve, mos të them monumenteve por çdo ndërtesë që është brenda qendrës historike konsiderohet monument. Gjendja është shumë alarmante, investime s'ka hiç në aspekt të trashëgimisë, nuk mundemi me i quajte rrugët investim në trashëgimi kulturore se nuk është. Shenjëzim nuk kemi, ndriçim nuk kemi, mirëmbajtje nuk kemi, kurgjo nuk kemi në aspekt të trashëgimisë. Strategjia për zhvillim ekonomik, unë atë ditë jam kanë edhe e kam dhënë komentet e mia, në aspekt të asaj strategjie, ajo nuk është strategji. Kështu që, nëse keni naj pyetje, jam i hapur.

Antigona Bytyqi: Faleminderit. A dëshiron dikush me e marrë fjalë?

Karanfil Haxhillari: Në kuvend, por unë ndoshta nuk do të jem në kuvend. Çështjen e rrënimin të Farmakosit të vjetër e kam ngritë në kuvend por s'kam marrë përgjigje nga snjë drejtor! A mundet ta di, në fakt ju si qendër a keni njohuri çka ka ndodhë aty? Tashmë po e di që janë ndal punimet nga ministria, por çka do të ndodhë? Tash ai u rrënu, aty u bë gërdec! A mund të marr informacion, jam rritë e kam pikë të dobët, kur e kam pa tuj u rrënu lotët më kanë dalë.

Veron Tara: Po e di, edhe neve qashtu. Puna e parë është që Farmakosi nuk hyn brenda qendrës historike edhe ne si këshill nuk kemi kompetencë kurrfarë vendim i me marrë ose kurrfarë rekomandimi me lëshuar ose reagim në aspekt të Farmakosit, si institucion po flas, ndërsa privatisht mundem me të kallxu jashtë seancës.

Antigona Bytyqi: Dikush tjetër?

Karanfil Haxhillari: Prap s'mora përgjigje!

Veron Tara: Po më vjen keq por nuk këna kompetencë jashtë qendrës historike.

Dafina Alishani: Por komuna është kompetente për ruajtjen e trashëgimisë, është votu për këtë pavarësisht a është në qendrën historike a jo.

Veron Tara: Nga aspekti i Drejtorisë së Urbanizmit po, por na si institucion.

Dafina Alishani: Edhe është dhënë një leje për rrënim, besoj që dikush ish dashtë me u marrë me këtë e kryetari ka pasur premtime të shumta për mbrojtjen e trashëgimisë. A mundemi tash me thënë jo s'është kompetencë e jona, atëherë s'është kompetencë as shatërvani i kryetarit, por duhet me u marrë se është zotu.

Veron Tara: Shumë është e vërtetë, unë thash personalisht mirrma më shumë se që është e nevojshme por po flas në aspektin ligjor s'kam kompetencë me leshu as reagim as rekomandim as hiç kurgjo.

Dafina Alishani: Pyetjet tjera unë kam me i parashtru në kuvend, por unë deshta me ditë për punën e pagesës qysh ka mbete te ju? Ta lash ujin në fyt!

Veron Tara: Jo kurgjo, punojna hala vullnetarisht.

Dafina Alishani: Hala vullnetarisht! E qaj vendimi që u ba edhe për rastin?

Antigona Bytyqi: S'janë tuj u zbatu, s'janë tuj u pagu. S'kemi përgjigje prej ministrive, thuhet që vetëm komitetet obligative paguhen.

Dafina Alishani: A këna marrë përgjigje për vendim?

Antigona Bytyqi: Jo, normal që e ka kaluar afatin për shqyrtim të ligjshmërisë, pothuajse si çdo vendim tjetër këto 3 muajt e fundit, jo s'kemi përgjigje.

Dafina Alishani: Masi s'kemi përgjigje a është heshtje administrative edhe vazhdon me vendimin.

Antigona Bytyqi: Po po, na e kemi publiku e krejt.

Dafina Alishani: Ani pse mos mi pagu?

Antigona Bytyqi: S'po paguhen se ministria s'po i paguan!

Kujtim Gashi: Ministria s'po i ekzekuton.

Dafina Alishani: Nëse s'kanë kthyer përgjigje vendimi është qashtu qysh është marrë.

Kujtim Gashi: Vendimi s'është kthi prej Ministrisë së Pushtetit Lokal hiç, as mirë as keq.

Dafina Alishani: Po bre, por edhe për tregun Fatoni s'ka kthi por ke vazhdu.

Kujtim Gashi: Mos dil prej temës në temë.

Dafina Alishani: Jo prej temës në temë, por këta nuk kanë pagë!

Kujtim Gashi: E di sepse edhe unë jam marrë me këtë.

Dafina Alishani: Po edhe?

Kujtim Gashi: Jam marrë bajagi si shumë edhe ministria dhe thesari nuk e ekzekuton sepse thotë vetëm 2 komitetet paguhen, pikë.

Dafina Alishani: Pse na shtinët me votu pra?

Kujtim Gashi: Sepse dashtëm me e bë një zgjidhje, përpjekje ishte për me bë zgjidhje. Nëse ka tjetër edhe atë përpjekje e bëjmë sepse unë e di sa i rëndësishëm ai këshill.

Antigona Bytyqi: Meqë u ndal edhe 50 eurshi, u munduam me bë një zgjidhje duke u bazuar në rregulloren e re që pat dalë, por nuk po e lejojnë ekzekutimin për pagesë. E din Veroni sa takime i kemi pasur, sa përpjekje.

Veron Tara: E kemi leshu ma, s'është që.

Kujtim Gashi: Ekzekutimin e pagesave e monitoron Ministria e Financave, ajo e ka kuletën.

Antigona Bytyqi: Ju faleminderit. Dikush tjetër për këtë pikë? Atëherë prezent jemi 7 anëtarë, po e hedhi në votim. Kush është për që ti rekomandohet mbledhjes? Unanimish, ju faleminderit. Kalojmë te pika e dhjetë.

Pika e dhjetë:

Shqyrtimi dhe miratimi i planit lokal të veprimit për barazinë gjinore (2024-2026);

Antigona Bytyqi: Zonja Mybexhele, fjala për juve. Të lutem shkur meqë sot ja u dërgojmë materialin.

Karanfil Haxhillari: Më së miri na dërgon materialin.

Mybexhele Zhuri: Unë veç disa fjali deshta sa me ju njoftuar sepse po më vjen keq që ka ndodhë kështu.

Karanfil Haxhillari: S'paska shumë, nja 30 faqe.

Mybexhele Zhuri: Jo këto s'kam me I lexu sepse këtu është plani. Vetëm deshta me thënë se futja në rend të ditës për shqyrtim dhe miratim të Draft- planit lokal të veprimit për barazinë gjinore, është një domosdoshmëri për Komunën e Prizrenit, pasi që edhe kërkesa për të pasur një plan të tillë u miratua nga kryetari dhe tashmë është pjesë e kriterëve për vlerësimin e performances komunale nga MAPL-ja. Draft-plani është përgatitur me një metodologji në përputhje me kërkesat dhe standaret evropiane të gjithëpërfshirjes si dhe I ndjek hapat e domosdoshme në respektimin e legjislacionit kombëtar. Theksoj se komuna jonë është në ndërhyrjen e projektit GIF apo Qendër Infality facility, Uen Women, i cili zbatohet me fondet e Bashkimit Evropian së bashku me 17 komunit tjera. Kjo është fat sepse këto komuna kanë përfutuar edhe janë si model të përgatitjes të një Draft-plani, ku hormanizohet dhe përafrohet me standartet ndërkombëtare dhe ato kombëtare. Ky process prej filimit është i përkrahur nga Agjensioni për Barazi Gjinore dhe MAPL-ja. Për mos me hy më tepër sepse me të vërtetë u lodhët të gjithë, sot unë vetëm do të ju them se pengesa ka qenë vetëm plani i veprimit për dhunë në familje edhe pse si objektin ne e kemi paraparë në këtë planin për barazi gjinore sepse ky plan është gjithëpërfshirës edhe bazohet në Programin e Kosovës për Barazi Gjinore, ku një prej fushave është edhe dhuna në familje. Mirëpo kjo nuk pengon aspak në draftimin e planit të mekanizmit komunal kundër dhunës. Edhe kostimi që është paraparë, mundet lirisht me kalu në atë plan, ose me u zgjeru me aktivitete tjera sepse faktikisht edhe ka një hendek në kostim i cili kemi mendu me u përmbush me fonde tjera, nga organizata tjera dhe aspak nuk ndikon në fuqinë e planit as të barazisë gjinore apo në planin kundër dhunës. Kështu që, në kuvend ndoshta vendosi a me e lënë atë objektiv, është objektiv numër 5, apo me ja lënë mekanizmit. Mekanizmi sipas meje është një rang më poshtë sesa plani komunal sepse ai përfshinë vetëm një fushë, fushën e cila trajton dhunën.

Antigona Bytyqi: Faleminderit. A keni dikush diçka me shut?

Karanfil Haxhillari: E analizojmë edhe në kuvend i japim.

Antigona Bytyqi: Prezent jemi 7 anëtarë, kush është për që ti rekomandohet mbledhjes së ardhshme? Unanimisht, ju faleminderit. Ju falënderoj të gjithëve për pjesëmarrje dhe shihemi pasnesër.

Përfundoi në ora: 12:19 minuta



Kryesuesja e Kuvendit
Antigona Bytyqi

Bytyqi